



05889

食史卷八十二

蔬食羹菜

東吳王初桐子陽範述

雲間許寶善穆堂校刊

飲食門五

菜

西王母上仙之藥有碧海之狼菜 漢武內傳

蘭香降張碩有非時菜食之七日不飢 杜蘭香別傳

卞后左右菜食粟飯無魚肉 魏志

朱修之往姊家姊為設菜羹麴飯 宋書

史炎致書黃山谷嘗緘綠菜以贈 眉山志

食史卷八十一

憲聖太后進生菜必采牡丹花片和之 山家清供

憲聖后每治生菜必于梅花下取落花碾之 群芳譜

宮中有娠賜物有生菜一合 武林舊事

市食有李婆婆雜菜羹 乾淳起居注

江淮有孟娘菜 魏王花木志

西王母仙藥有八阮赤韭 漢武內傳

北齊太上後宮女寒月盡食韭芽 三國典畧

劉殷母王氏盛冬思葷殷慟哭葷生 十六國春秋

妊婦食葵菜胎滑易生 圖經本草

宋玉諷賦主人女為臣烹露葵之美來勸臣食 古文苑

朱緒母病忽思菰羹妻到市買菰爲羹

齊書

謝幼貞嗜菌庭中忽生一菌狀若飛鳥沈子玉曰此

謂禽芝以處女中單覆之則活煮而食之可數百歲

謝入取中單有隣女乞火踏之翩然飛去

內觀日疏

孟宗母冬月思笋宗哀號笋出

楚國先賢傳

孟宗母嗜筍及母亡冬節宗哀泣生筍以供祭

吳志

丁固母冬日思筍遂泣竹生筍

筍譜

劉虛哲母疾篤采竹筍食之立瘥

筍譜

與可與妻遊貧簞谷中燒筍晚食

國老談苑

昔有新婦不得舅姑意凡所需索必背時姑歲暮索

畜史卷八十一

二

筍羹婦答曰有妯娌問臘月何處求筍婦曰且應爲

貴其實何處求筍姑聞悔悟憐新婦

筍譜

西王母仙藥有子都綺葱

漢武內傳

宮中有娠賜物有生母薑一片

武林舊事

永樂十四年賜寧國長公主胡椒一千觔

弁山堂別集

昔有女仙食一樹葉殊愉快因名其樹曰愉後人改

心從木卽今榆樹也後女仙繞宮門種之時與族雪

道君會于下使金童講鏗虹寶典

修真錄

知慧菩薩明梓僮人周曉師女生不如輩好誦梵典

年十九絕粒食惟餐柏葉成化五年踟躕而化又裴

氏女者幼好食柏葉天啟十三年十三坐化隴蜀餘聞

臨安七姑祠其像乃七婦人有王大光家清早啟戶

賣豆乳者來七婦從宅出就買謂之曰汝少須于此

當持錢以還久而不出聞卒以告大光駭甚往視七

姑祠豆乳正在香几上夷堅志

永樂十三年賜寧國長公主酥油二桶弁山堂別集

文蘸油入菜煎服能使婦人肥胖尊生八牋

白麻油與乳母服之孩子永不生病食療本草

麗甘山昔有十二玉女子此服醎泉成都志

永樂十三年賜寧國長公主海外番鹽三塊弁山堂別集

查見卷八三

三

西王母上藥有連珠靈醬鳳林鳴酢漢武內傳

宮中有娠賜米醋二餅武林舊事

宋襄公葬其夫人醢醢百甕山陵雜記

東里有獨嫗之醢宏君舉食檄

妊婦食酸醬令兒骨瘦本草衍義

果

煬帝寵恠峒夫人吳絳仙會瓜州進合歡果帝命小

黃門以一雙馳騎賜之馬急搖解絳仙拜賜附紅箋

進曰驛騎傳雙果君王寵念深寧知辭帝闕無復合

歡心帝嘆曰絳仙才調真女相如也大業拾遺記

劉華女於琉璃山拾異果食之仙去 方輿覽勝

嚴州士人家女子年未及笄一夕睡醒枕畔得果如  
桃取食之旦起見飲饌之屬輒掩鼻 夷堅志

皇后歸謁家廟次日內降旨賜皇后筵繡高飴十時  
果十楝細京果十楝看果十楝 武林舊事

宮中有娠賜物有裝畫果子一合 武林舊事

洪武中寧國長公主生辰賜果四盒 弁山堂別集

左思嬌女詩馳驚翔園林果下皆生摘 玉臺新咏

趙飛燕爲皇后其女弟上襪有同心梅 西京雜記

趙葵歸私第見諸姬羣聚摘青梅有一姬善詩葵令

舊史卷八十一

四

賦詩云析聲默振蚤春回滿院春風繡戶開怪得無  
人理絲竹綠陰深處摘青梅 古今女史

永嘉閨婦以青梅雕刻脫核鏤以花鳥纖細可愛以  
手擊之玲瓏如小盒闔之復爲梅謂之梅籃 琅玕漫抄

楊梅塢內有一老姬遊金其家楊梅甚盛所謂金婆  
楊梅是也 臨安志

西王母遺帝上清玉文之李 黃帝內傳

西王母龍目城中產黃中李花開則三影結實則九

影花實上皆有黃中二字 集真記

趙飛燕爲皇后其女弟上襪有含枝李 西京雜記

立夏食李能令色美故是日婦女作李會取李汁和

酒飲之謂之駐色酒

元池說林

子夜夏歌攜手密葉下浮瓜沉朱李

樂府詩集

宮中有娠賜家慶子五十斤內裝畫七百箇

武林舊事

老子西遊與太真王母共食碧桃

關令尹喜內傳

周穆王時西王母進萬歲冰桃

拾遺記

華林園有冬桃一名王母桃

酉陽雜俎

金母降謝自然將桃一枝懸臂上有三十顆碧色大

如椀曰此猶是小者

集仙錄

王母侍女以玉盤盛僊桃七顆王母以四顆與帝帝

食史卷八

五

食輒收其核王母問帝帝曰欲種之母曰此桃三千

年一生實中夏地薄種之不生

漢武帝內傳

王母以仙桃五枚與帝時東方朔從牖中窺母母曰

此小兒嘗三來偷我桃矣

博物志

許明奴家嫗入山採樵有人以大桃與嫗食之後遂

憎食日漸童顏行疾如飛

五色線

章僉判妻盧氏攜婢妾往後院遊觀謂侍妾曰桃枝

上有一顆如椀大必甜美為我摘之妾見滿樹累累

無所謂絕大者盧氏自以竹作叉又取入手為啖食

之狀女伴同遊者皆訝之自是遂不飲食

夷堅志

陳堯佐母馮氏封燕國夫人嘗入宮誤食金桃宮人大笑後再入宮再食之宮人怪問馮曰吾長兒生夢食金桃叨中狀頭今有此兆次見必復作狀頭矣宮人遂以金桃爲瑞

山堂肆考

太宗卽位內院進櫻桃以奉三宮太后

唐逸史

李希烈娶竇良女女常稱陳仙奇忠勇及希烈死子不發喪欲爲變時有獻含桃者竇請分遺仙奇因以蠟帛丸雜果中仙奇大驚率兵入斬之

異聞錄

崔生入一品室三妓人皆絕艷以金甌貯含桃而壁之沃以甘酪而進一品遂命衣紅綃妓擊一甌與生

宦史卷八十三

紅綃妓以匙而進之

紅綃傳

潘璋妾有仙術璋思食玉津櫻桃妾娶盒子布氣數口以手帕緘封少頃開視櫻桃溢盒

夷堅志

董姬在舟中以宣磁大白盂盛櫻桃啖之不辨其爲櫻爲唇也

影梅菴憶語

鈕涓母與吳國書云胡桃本生西羌外剛樸內桑甘質如古賢欲以奉貢

女世說

宮中有娠賜物有裝畫胡桃二千箇

武林舊事

永樂十三年賜寧國長公主有核桃二萬箇

弁山堂別集

鄭那母冬日病或言啖杏實可愈其妻楊氏求之鄰

郡忽見杏實取歸姑喜食之病漸瘳明年夏忽一日雷風甚勁有二金龍長數尺蟠繞楊氏左右臂龍頂

上有字曰賜楊氏

宣室志

宮中有娠賜物有銀杏五十斤內裝畫一千箇

武林舊事

南岳夫人為四真人設三芍紫柰

南岳夫人傳

謝予卿見東華夫人為設予洲白柰

廣異記

西域有柰樹成果中有一女子王收為妃

鷄距集

周穆王時西王母進陰岐黑棗

拾遺記

西王母下為帝設玉門之棗

漢武內傳

玉文棗西王母食之大如瓶

打棗譜

奩異卷八上

七

細棗萬年一實西王母以之獻帝

洞冥記

真妃手中握三枚色如乾棗而形長大內無核

真誥

太平廣記有梁國夫人棗西京雜記有西王母棗

廣志

永樂縣有無核棗蘇氏女食之不食五穀年五十嫁

顏如處子

神仙傳

光州村媪家植棗二株秋日棗熟一道人過而求之

媪曰任先生隨意啖食道人摘食十餘枚臨去道人

將所佩一葫蘆繫于木杪顧語曰謝婆婆厚意明年

當生此樣棗後如其言

打棗譜

韓羽妻徐氏夢紅裳婦人獻七棗食之生七子

夸堅志



宮中有娠賜物有棗塔兒文世子棗

武林舊事

永樂十五年賜寧國長公主紅棗五石

弇山堂別集

齊魯之俗娶婦必用棗栗諺曰早利子也

池北偶談

老子西遊與太真王母共食碧桃紫梨

關令尹喜內傳

王夫人謂許長吏曰交梨火棗是飛騰之藥要使用

於胸中今君胸中荆棘掃除未淨是以交梨火棗不

生也

女世說

苗女子每冬採刺梨入市貨人有江南人物色之則

舉筐以贈曰愛莫離愛莫離者華言與你有宿緣也

或有調戲之者則大怒曰落勿渾落勿渾者華言沒

奩史卷八二

八

廉恥也

滇黔紀遊

殷七七嘗於一官寮處飲酒取栗散于官妓皆聞異

香惟笑七七者栗綴于鼻不可脫但聞臭氣須臾狂

舞粉黛狼籍人為陳過栗方墜

殷芸小說

蜀宮人于爐中爆栗俄有數栗爆出燒損繡褥

詩史

宮中有娠賜物有裝畫栗子五十斤

武林舊事

永樂十五年賜寧國長公主栗子十石

弇山堂別集

袁淑芳時以頻婆致張子謂相思也佛書頻婆華言

相思

採蘭雜記

徐藻妻陳氏石榴賦惟木之珍莫美石榴

太平御覽

王倫妻羊氏有安石榴賦 賦彙

陳叔達母患口乾叔達以蒲萄進之 太平御覽

白馬寺蒲萄甚大實重七斤至熟時常取之以賜宮

人宮人轉遺親戚以為奇異 洛陽伽藍記

楊貴妃好食荔枝南海所生尤勝故飛馳以進 常侍

貴妃生日長生殿新曲未有名會南海進荔枝因名

荔枝香 碧鷄漫志 太真外傳六月一日為貴妃生

荔枝核小者宮人呼為丁香荔枝 開元天寶遺事

勾尉有所愛住馬湖常以丁香核荔枝遺生 山谷集

十八娘荔枝俚傳閩王王氏有女第十八好噉此品

宦史卷八十一

九

因而得名 宋珏荔枝譜 幔亭集曰王十八娘天寶

紅繡鞋傳即十八娘種 徐渤荔枝譜

宮中有娠賜物有裝畫荔枝五十斤 武林舊事

廣東按察使唐彬有女七歲於衙前手植荔枝女嫁

張景琦生子元冲皆陞廣東按察使皆同往凡三到

後人立三到堂 珊瑚網

食荔枝清福三十三事其一佳人剝 宋珏荔枝譜

薛濤有憶荔枝詩 宣和書譜

郭思謨母冬月病思食菴蘿果公仰天嘆而庭樹實

矣公取以充養 柳南隨筆

西王母與周穆王玉帳高會進青花白橘拾遺記

會稽有女子吳望子偶行路中忽見一貴人擲兩橘

與之遂與為情好即蔣侯神也續搜神記

鄭交甫遊於漢臯有遊女贈以橘柚奚囊手鏡

朱橘母嚴氏娠十五月遇道人手持一橘謂曰食此

子生矣母喜而受之謂問名字曰鞠君子史纂

有妓沈生能納少橘皮於口中頃刻製成凡字細秀

整潔梅花草堂筆談

金橘温成皇后嗜之橘譜

道君幸李師師家攜新棖一顆云江南初進貴耳錄

奩史卷八十一

淑妃剖橙榴拆甘蔗遣婢賜蔡京大清樓侍宴記

蓬萊宮乳柑橘結一合歡實上與妃子互相持翫上

曰此木似知人意朕與卿固同一體所以合歡于是

促坐同食令畫圖傳之于後太真外傳

楊妃呼柑為瑞聖奴文奇豹班

薛濤有酬郭蘭州寄柑子詩宣和書譜

宗元鼎詩雙柑香濺佳人手芙蓉集

馮開之嬖一艾妾妾方新沐時佛手柑初至都門急

懷一枚與之妾接得旋擲去馮知其意已不屬遂驅

之出閣修潔齋閒筆

金陵一老年客見佛手柑初至市數枚疾馳供李姬  
麗貞姬領之命婢取去少頃入李室則宣盤中層疊  
數十鮮妍碩大愈客贈者十倍四友齋叢說

晉鈕滔母與虞定夫人書此中果有飛穰飛穰卽佛  
手柑也因樹屋書影

東坡見黎女競簪茉莉含檳榔戲書曰暗麝着人簪  
茉莉紅潮登頰醉檳榔珊瑚詩話

熙寧中交州峒中檳榔生瘰剖而得一女子養之有  
殊色號檳榔女陶朱新錄

宮中有娠賜物有裝畫圓眼五十斤武林舊事

查史卷八十一

十一

永樂十三年賜寧國長公主松子三十榛子三十十  
五年賜寧國長公主松子十石榛子十石弁山堂別集

馬遵令官妓剝榷實而食隱居詩話

沈如琢母患渴非時思桑椹苦求得之母愈符譜

昌容商王女也食蓬蒿根二百餘年而顏色如二十

許人女仙傳

野果有紅姑娘甜酸可食元故宮記

紅姑娘京師鬻之爲閨人之玩升菴外集

周穆王時西王母進崑流素蓮拾遺記

漢有女子舒襟爲人聰慧事事有意與元羣通嘗奇

羣以蓮子曰吾憐子也羣曰何以不去心使婢答曰  
正欲汝知心內苦謝氏詩源

六月念四日為觀蓮節晁采與夫各以蓮子饋遺為  
歡內觀日疏

宮中有娠賜物有裝畫蓮肉五十斤武林舊事

周穆王時西王母進千年碧藕拾遺記

宮中有娠賜物有帶泥藕十挺武林舊事

中元節宮人皆食銀苗菜藕之嫩芽也天啟宮詞注

杜甫詩佳人雪藕絲

宮中有娠賜菱米五十斤內裝畫七百箇武林舊事

食史卷八十一

十一

更始敗後宮女悉幽閉殿內拔薯蕷食之東觀漢記

蘭香降張碩家出薯蕷子三枚大如鷄子與碩云食

此令君不畏風波辟寒温曹毗杜蘭香傳

宮中有娠賜物有彩畫生芋子一合武林舊事

庾沙彌母劉氏好噉甘蔗梁書

織女主瓜果續漢書

王母謂上元夫人曰吾憶與夫人共造朱火丹陵食

靈瓜味甚好憶此未久而已七千歲矣漢武帝內傳

謝名卿見東華夫人為設空同靈瓜廣異記

夫人好神仙冬夜真人至賜以絳實靈瓜南岳夫人傳

皇甫謐得瓜果輒以進叔母任氏冬夜箋記

有姥餉郭祖深一青瓜祖深報以疋帛梁書

宋瓊母冬病思瓜瓊夢見之求而遂得北史

秦孝王好內妃崔氏性妬遂于瓜中進毒隋書

元宗在東宮元獻皇后思食酸元宗以告張說說每

進輒袖木瓜以獻柳氏舊聞

明皇幸蜀圖宮女有卽道旁摘瓜者避暑錄話

沈太后嘗削瓜哺德宗傷左拇指唐書

煙

高麗國王妃死國王哭之慟夜夢妃告曰塚生一卉

奩史卷八十一

三

名曰煙草採之焙乾以火然之而吸其煙則可止悲

亦忘憂之類也如言採得遂傳其種在園雜誌

閨闈佳麗以煙酒爲餐香吸霧怡曙堂集

方爾止京師竹枝詞清晨旅舍降嬋娟便脫紅裙上

炕眠傍晚起來無箇事一回小曲一筒煙瓠蘆續編

尤侗美人吃煙詩玉唇含吐亦嫣然西堂小草

蠻女性喜吸煙每以煙筒插髻廣西通志

奩史卷八十三

東吳王初桐子陽纂述

江都程晉芳魚門校刊

飲食門六

藥

西王母有洞淵紅藜嶮山絳雪皆仙藥也 拾遺記

姑射謫女日命蓮華童子以朱洞瓊泉進九天先生

蓋長生上藥也 修真錄

程咸母夢白頭公授藥曰服此當得貴子 王隱晉書

萼綠華授羊權尸解藥亦隱景化形而去 真誥

奩史卷八十三

一

君子國鳳凰嶺出天狗一名胎簪女仙與族雪道君

各以玉膏鍊成上藥以相饋遺 柳嫖記

周寶治城隍得古塚發其棺有一女面如鉛粉衣服

皆不敗或言此是嘗餌靈藥待時而發發則解化之

期矣寶命收葬之行數里有紫雲覆輜車之上眾見

一女子出自車中坐于紫雲冉冉而上久之乃沒開

棺則無矣 稽神錄

盧佩母病腰腳痛欲竭產求國醫王彥伯忽見一白

衣婦人姿容絕麗乘駿馬從一女僮來謂佩曰妾有

薄技度不減王彥伯佩驚喜入白母遂引至母前婦

人纔舉手候之母已能自動一家歡躍婦人曰當要  
進一服藥非止除痼疾亦永眉壽母曰未知何階上  
答婦人曰但許奉九郎巾櫛則可蓋佩行第九也遂  
於女僮手所持小菴奩中藥一刀圭以進母母入口  
諸苦頓平佩卽納爲妻每十日一歸本家惟乘舊馬  
倏忽往來畧無踪跡一旦伺其出潛窺之見乘馬行  
空中佩心異之歸具告母自是婦人不復歸佩家

記

河東

同昌公主疾甚醫者欲難其藥餌奏云得紅蜜白猿  
膏食之可愈上令訪內庫得紅蜜數石本堯離國所  
貢也白猿脂數甕本南海所獻也

杜陽雜編

奩奩卷八三

二

劉士彥病其女刳股肉以進夜夢普照與藥一貼服  
之卽日而安

孫公談圃

有江叟登白鶴山忽有兩女子出授神藥云服此當  
爲水仙女子蓋龍女也

岳州府志

女人每朝宜進平補血海藥一服

通天論

臨川士家一婢逃入深山中取草根食之久久不飢  
其身欻然凌空若飛鳥焉數歲家人采薪見之婢述  
其故指所食之草乃黃精也

稽神錄

楊正見者眉州楊寵女也嫁王生一日舅姑市魚使



正見贈之正見隣魚尚活不忍烹舅姑責之正見懼  
竄行數十里至一山舍有女冠在焉正見以其故白  
之女冠曰子有好生之心因留宿使正見汲泉汲泉  
處有一嬰兒潔白見人且喜且笑正見抱之而歸漸  
近家兒已僵矣視之若草木之根重數觔女冠見而  
識之乃藥中茯苓也命滌醜蒸之會山中糧盡女冠  
出山求糧忽風雨不能歸正見飢甚聞甑中香竊食  
之女冠歸嘆曰神仙自有定分吾不爲風雨所阻汝  
豈能食此靈藥耶正見光彩射人常有羣仙降其室

後白日昇天

集仙錄

奴會子劉五娘用爲煎服

南海藥譜

杜蘭香降張碩碩問禱祠何如蘭香曰消摩自可愈  
疾淫祀何益蘭香謂丸藥爲消摩

杜蘭香傳

吳秀讀書燈下有女子叩門啟視絕色也與之處者

兩月一日過葛仙翁翁曰君有桑中之遇乎袖中出

一丸藥云此藥以醇酒下能令婦人顏色媚好秀持

歸如方與女飲之少選女云腹痛就枕秀呼問不應

秉燭視之惟一具枯骨而已

續列仙傳

皇妣夢黃冠授一丸藥吞之覺而口香遂生太祖

名山

藏

慈溪劉仲昭家有老婢年百三十八歲少時遇方士

授藥一丸吞之永無疾厄

簪雲樓雜記

夏姬杏金丹夏姬服之上昇

保生月錄

開元中內人趙雲容問申元之乞延生之藥元之與

絳雪丹一粒後果再生

高道傳

黃鐘女年及笄忽為神物所憑以一物遺女圓如彈

丸謂女曰此神丹也人死以熨胸腹間當復生宜寶

之以濟汝危急勿妄用也女收藏之會其伯母卒女

以丹試置疑土即蹶然復生神至怒責女曰語汝云

何而乃妄用之遂奪丹去

高坡異纂

舊史卷八十三

四

馬珣母孕時夢麻姑賜丹一粒吞之

史纂

元宗之在東宮為太平公主所忌時元獻皇后得幸

方娠元宗懼太平欲令服藥陰除之謀于張說說密

懷去胎藥以獻元宗得藥密煮之怠而假寐有金甲

神人翻鼎藥盡覆

柳氏舊聞

帝病緩弱大鑿求奇藥得脊卹膠遺昭儀昭儀進帝

一丸一幸一夕昭儀醉進七丸帝昏夜擁昭儀居九

成帳笑吃吃不絕抵明帝起餘精出湧須臾帝崩宮

人以白太后太后使理昭儀昭儀曰吾持人主如嬰

兒寵傾天下安能斂手掖庭令爭帷帳之事乎乃拊

膺呼曰帝何往乎遂毆血而死

飛燕外傳

帝選後宮良家女數千入逃樓復得方士所進大丹服之蕩思不可制日夕御女數十人

逃樓記

韓昌黎晚年頗親脂粉因用硫黃攪飯以啖雄鷄干日後烹之名火靈庫始亦見功終至絕命

天都載

劉銀得波斯女益求方士媚藥為淫褻之戲

青異錄

大鵬之精墜石上者為石錘能壯陽有人服一毫往娼家一夕不休英國公得之以畜百妾

揮塵新談

雷世賢多侍妾常餌砂母鍾乳以濟其欲

張果醫說

奩史卷八十三

五

雷世賢多侍妾常餌砂母鍾乳以濟其欲

娼家一夕不休英國公得之以畜百妾

大鵬之精墜石上者為石錘能壯陽有人服一毫往

娼家一夕不休英國公得之以畜百妾

日對烹之各火靈庫始亦見功終至絕命

韓昌黎晚年頗親脂粉因用硫黃攪飯以啖雄鷄干

劉銀得波斯女益求方士媚藥為淫褻之戲

帝選後宮良家女數千入逃樓復得方士所進大丹服之蕩思不可制日夕御女數十人

奩史卷八十三

奩史卷八十四

東吳王初桐于陽篡述

南豐譚光祥退齋校刊

器用門一

器上

錢思公嫁女令銀匠龔美造妝奩器皿既而美拜官  
思公以爲妹婿向者器皿乃歸美家此與衛青娶平  
陽公主事同 野客叢書

器皿曰受用其實乃售用談苑云吳越王錢俶妃有  
平生售用凡百箱 甕牖閒評

奩史卷八十四

周宋夫人鼎蓋銘曰宋君夫人之鍊鈇鼎 宣和博古圖 廣川書跋曰用于房中之羞

周絲女鼎蓋絲女作是鼎以亨于考也 鐵網珊瑚

商婦卣銘曰子孫婦甲庚丁 宣和博古圖

商有飲姬鬲女乙觚 紹興古器評

周帛女鬲銘曰帛女作齊鬲 鍾鼎款識

周義母匱銘曰仲女吉義母作旅匱 宣和博古圖

周有季姬敦按晉文公母曰季姬齊悼公娶季康子

妹亦曰季姬 紹興古器評

鬱林王台何后及寵姬以諸寶器相投爲笑樂 經濟類編

郭况家寵姬皆以玉器盛食

漢世說

同昌公主琢五色玉器以金銀爲井欄藥臼食櫃水槽釜鑕盆甕之屬仍鏤金爲笊籬箕筐

杜陽雜編

禁中騰月三十日爲大節夜后妃諸閣皆進小樣金銀器皿

西湖游覽志餘

宋太祖賜蜀太后金器三百兩銀器三千兩

十國春秋

周漢國公主后房奩有壘嵌寶金器塗金器貼金器

南渡宮禁典儀

吳主上唐太后金花銀器衣段

吳錄

南宋姜娘子善鑄銅器

居易錄

舊史卷六十四

二

西王母以玉盤盛桃

漢武內傳

皇太子納妃有長槃五漆尺槃三十漆拍枰二

東宮舊事

武帝悼后元宮漆烏瓦槃一枚

修復山陵故事

阮宣子妻妬忌禁婢曬覆槃架蓋不得相合

妬記

帝以荒淫得煩燥病醫乞置冰盤于前日夕朝望之自茲諸院美人各市冰爲盤以望行幸京師冰爲之踴貴

述樓記

至正二十六年安南國進皇后方物狀有楞金度銀

御前花石盤一面楞金度銀牙犀盤一面

天南行記

同昌公主有翡翠匣積毛羽飾之

杜陽雜記

吳均秦女卷衣詩玉檢茱萸匣金泥蘇合香吳朝請集

安南國進皇后方物狀有金間度銀匣天南行記

崔茂伯女結婚裴氏尅期未至女暴亡提一金甕徑

到裴床前以甕贈裴幽明錄

皇后謁家廟後散付親屬物件有金甕武林舊事

雲陽公主下降陸暢作催妝詩六宮大啗別賜宮錦

楞柳餅唾壺各一全唐詩話

銀甕小姊者岳武穆季女也武穆被難女抱銀甕墜

井死及岳王立廟并在廟中範銀甕像於廡右時有

宋觀察者祀岳王謂武穆精忠固當拜銀甕女流耳

舊史卷八四

三

非所宜障之以屏後升公座觀玉貌錦衣神女持弓

矢當簷而立觀察驚顧矢發中背成疽而死湖壩雜記

武穆有女名安娘岳雲女大娘岳雷女三娘皆載于岳珂金陀粹編而不及銀甕小姊何耶按

張籍楚妃怨手拂銀甕秋水冷張司業集

安南國進皇后方物有琉璃甕連金蓋二口天南行記

大食窰花瓶以銅作身用藥燒成五色最宜婦人聞

閣中用格古要論

宮中有娠賜物有裝畫胎衣甕武林舊事

惟有一女人愛悅於帝名曰巨靈帝傍有青珉唾壺

巨靈出入其中或戲笑帝前東方朔目之巨靈化成

青雀飛去帝乃起青雀臺

洞冥記

皇太子納妃有漆畫銀帶唾壺一

東宮舊事

貴人有純銀參帶唾壺三十枚

魏武帝上雜物疏

皇后子宮有白瓦唾壺五枚

山陵故事

武后時宜都內人以唾壺進諫

李義山文集

韋太后性節儉有司進金唾壺易令用塗金

宋史

皇后儀衛有金唾壺一金唾盂一

明史

杜蘭香者女仙也降于包山張碩家授以飛化之道

留玉簡玉唾盂

集仙錄

秦嘉婦與嘉書曰今奉旄牛尾拂一枚可拂塵垢

太平

舊史卷四

四

御覽

皇太子納妃有白毼拂二枚

東宮舊事

竟陵王青綃持拂紫綃吹簫

欽小志

李衛公初以布衣謁楊素素侍婢羅列有一妓殊色

執紅拂立於前獨目公歸逆旅其夜五更忽聞叩門

開視之乃紫衣帶帽人杖一囊公問誰曰妾楊家紅

拂妓也公遠延入脫去帽乃十八九佳麗人素面畫

衣而拜曰妾侍楊司空久閱天下人無如公者故來

奔耳公觀其儀狀辭氣真天人也遂與歸太原

豪異記

皇后儀衛有拂子二

明會典

和疑詞伴弄紅絲繩拂子打檀郎

紅葉稿

無瑕常執辟塵塵禮觀世音誤落香爐中火熾不及

取至今名為無塵殿

女紅餘志

西王母遺黃帝五明扇

黃帝內傳

趙飛燕為皇后其女弟上五明扇

西京雜記

漢成帝賜趙飛燕五明扇

古今注

周昭王聚鵲羽為四扇時東甌獻二女曰延娟延媯

使二女更搖此扇侍于王側

拾遺記

秦始皇令三妃九嬪當暑把雲母小扇子

中華古今注

趙飛燕為皇后上賜雲母扇七華扇

崔豹古今注

奮史卷八十四

五

趙飛燕為皇后其女弟上雲母扇九華扇回風扇翠

羽扇孔雀扇

西京雜記

漢武帝招涼閣中異姝以青琉璃為扇

漢武帝故事

趙昭儀有七輪扇一人運之滿堂寒顛

西京雜記

漢成帝賜趙后蟬翼扇翟扇

古今注

班婕妤初為帝寵後自知見薄乃退居東宮作紈扇

詩以自傷

古今樂錄

周昉有紈扇士女圖

宣和畫譜

晉時令宮人把五色羅扇子

中華古今注

皇太子納妃有同心扇二十單竹扇二十

東宮舊事



一老姥賣六角扇王羲之書其扇人競買之

晉書

皇后于宮中用絹團扇六枚

修復山陵故事

汲太子妻李氏與夫書并致安眾扇二

婦人集

宋武帝王皇后諱貞風上嘗于宮中大集而裸婦人觀之以為笑后以扇障面獨無言帝怒曰外舍家寒乞今其為笑樂何獨不視后曰為樂之事其方自多豈有姑姊妹集聚而裸婦人形體以為樂外舍之為權實與此不同

何氏語林

皇太后賜廢帝玉柄毛扇

宋書

東陽嘗贈所歡二扇一曰銀花一曰寄情後復還之

奮史卷八十四

六

有詩云還君與妾扇

女紅餘志

檀茂崇亡其母劉氏夢崇手執團扇云以此奉別母

驚覺果于屏風間得扇

異苑

張敷生而母亡至十歲求母遺物而散施已盡惟得

一畫扇乃緘錄之每至感恩輒開筭流涕

梁書

王元寶家姬有龍皮扇子

開元天寶遺事

蜀主花蕊夫人夏月水調龍腦末塗白扇上用以揮

風一夜登樓望月誤墜其扇為人所得外有效者名

雪香扇

清異錄

李後主於黃羅扇上書一詩賜宮人慶奴

六研齋筆記

東坡爲春夢婆書扇 蓬意續錄

徽宗泛舟曲江有宮嬪持寶扇乞書 客座贅語

徽廟幸來夫人閣偶灑翰于小白團扇 陳郁話腴

淳熙五年賞牡丹隨駕宮人並賜沉香柄金絲御書

扇一柄 乾淳起居注

皇后謁家廟後散付親屬物件有畫扇翠扇 武林書

端午賜后妃諸閣金絲翠扇 乾淳歲時記

候湖門外陳宅厨娘破黃花魚腹中得玉孩兒扇乃

是高宗舊時誤墜于水者上見之大悅封厨娘孺人

西湖志餘

舊集卷八十四

婦女多用漏塵扇柄異色影花扇 夢梁錄

趙總憐以扇頭乞詞王稱心亦有是請 酒邊詞

吳文英有題藕花洲尼扇詞 夢廳丁稿

鄭櫟年醉歸一婢掖至中堂坐榻上因舉扇囑婢揚

風凡數扇婢忽擲扇于地曰無恁地工夫言訖不見

機年始知爲鬼 陶朱新錄

夏至日俗謂之朝節婦人進彩扇 遼史

嘗收得楊妹子所寫絹扇面摺痕尙存卽今世所用

摺扇也亦名摺骨扇亦名聚頭扇 春風堂隨筆

摺疊扇一名撒扇南方婦女皆用團扇惟妓女用撒

扇近年良家女婦亦有用撒扇者 客中聞集

木元經嘗登秦觀峯夢老媪攜一女子甚麗以一扇遺生明年入都道出武清散步柳陰過土橋有遺扇在芳草中收視之上有詩云煙中芍藥朦朧睡雨底梨花淺淡妝小院黃昏人定後隔牆遙辨麝蘭香異之須臾見一女郎遊樹下隱隱穿林而去元經遂題二詩於樹前至野店問村民或曰此處有田將軍園林豈卽其家眷屬乎逾年謁選爲工部郎休沐之暇偕僚佐同出土橋偶憇田家老媪熟視其扇曰此吾女手跡也偶過溪橋失之何爲入君手吾女尋扇至

盒史卷八十四

八

溪橋見樹上二絕朝夕諷詠得非君作乎命其女出見宛如夢中共相嘆異遂納之女名娟娟卽田將軍

女也 驪珠雜錄

楊方合歡詩暑搖比翼扇 玉臺新詠

子夜歌卽贈合歡扇 古今樂錄

王建宮詞宛轉黃金白柄長青荷葉子畫鴛鴦把來不是呈新樣欲進微風到御床

王禹玉端午夫人閣帖云金縷黃龍扇蘭芽翠釜湯 海錄碎事

女仙詩分明一夜文姬夢只有青團扇子知 癸辛雜識

姚淑人有蒲扇詩

宮闈詩史

趙如燕年十三錄籍教坊楷法絕佳予嘗得其書扇  
後題云乙卯中秋同西池徵君質山學士集海濱天  
香書屋書此竟聞任岳憲在陸涇壩禦倭大捷奏凱  
回戈亦快事也沈嘉則爲作傳云趙雖平康美人使  
具鬚眉當不在劇孟朱家下今卽其題扇數語豪宕  
可知

靜志居詩話

姜淑齋工撫晉人書京師士人得其手書紈扇便面  
多珍秘焉

蜀道驛程記

趙康王宮詞薄鬢斜鬟十五餘妝成猶未下庭除納

宦史卷八十四

九

涼記得君王作私把泥金小扇書

居敬堂集

秋香南京舊院妓也後從良有舊識欲相見以扇畫  
柳題詩拒之云昔日章臺舞細腰任君攀折嫩枝條  
如今寫入丹青裏不許東風再動搖

青泥蓮花記

周羽步以吳蕪仙畫梅扇寄冒丹書內人

本事詩

毛休文母汝太君畫扇山水草蟲無不臻妙

落木菴集

女郎周禧畫荷包牡丹扇頭甚工

笛漁小稟

淳熙十一年六月進太皇后物內有白玉香珀扇墜

兒四枚

乾淳起居注

梁費昶詩金花起搖步紅彩發吹綸吹綸不知何物

據詩意想是婦人所執如煖扇之類歐陽元詞十二月都人供暖筵宮中障面霜風獵子嘗有冬口宮詞云障風貂尾扇溫火象牙籠升庵外集

仙壇秋月圓宮扇宋寧宗后楊氏題詩自稱楊妹子禮部集 王士禎曰吳師道誤以楊妹子爲楊后

趙仲啟月夜露坐仰見一女子妝飾甚麗如乘鸞鶴一女持宮扇衛之逡巡入月而沒汾陽遺稿

諸王親迎用方團掌扇四宋史

公主出降前後用紅羅銷金掌扇遮簇東京夢華錄

二女仙圖婢持翬扇在後眉庵集

奩史卷八十四

十

隋煬帝在水精殿令宮人把半月雉尾扇子中華古今注

皇后儀仗有小雉扇四明會典

皇太后皇后儀仗有偏扇圓扇方扇雉尾扇朱畫團

扇玉海

周漢國公主轎前有方扇四圓扇四南渡宮禁典儀

諸妃儀衛用偏扇方扇團扇各十六諸嬪各十四皆

宮人執金史

皇后儀仗有方扇八皇妃繡方扇四東宮妃紅繡方

扇四郡王妃青圓扇二紅圓扇二明會典

皇后儀仗有紅雜花團扇四皇妃紅花團扇四青繡

團扇四東宮妃紅繡花團扇四親王妃青孔雀團扇

四紅花扇四 明會典

和凝宮詞才人侍立持團扇金縷雙龍貼碧藤 紅葉稿

北周天元帝詔內外命婦皆執笏 歷代命婦朝賀禮儀

命婦笏以象牙爲之 明會典

崇妓綠珠有珊瑚如意長三尺二寸 石季倫本事

元宗夏月授楊妃却暑犀如意 楊妃外傳

南宋宮人有青芝雙虬如意是六朝宮人所遺 談薈

葛巾娘子牀頭有水精如意上結紫巾蓋花妖也 花史

西王母賜黃帝念珠 大有經

卷八十五

七

慈聖曹后有百寶念珠價值千萬 投轄錄

西湖斷橋有老姥自焚者年七十歲衣紫花布衫項

挂念珠手焚線香三枚至龕前向西方膜拜畢入龕

自開龕門而坐漸見龕中煙出火隨烈發龕即燼其

親屬相送亦不哭城中婦女聞之相與募錢構一草

庵瘞其骨繪像奉之乞名西昇庵 繡房偶筆

顧東山有女美而不嫁好服壞衣持念珠作六特梵

語父母知其志爲築卽是庵處之因號卽是庵主人

水南日記

西藏婦女貴賤皆項掛念珠一二串自珊瑚青金磚

陳至木珠不等

衛藏圖識

淳熙十一年進太皇后物有龍涎香數珠

乾淳起居注

辰沅靖州蠻女子以海螺為數珠掛頸上

老學菴筆記

永樂十三年賜寧國長公主金廂紫檀木數珠一串

計一百一十顆上帶金小杵一個

命山堂別集

曹壽奴小字山姑崇禎吳興女子也夫君北行以苦

提數珠留贈詩云百八菩提子紅絲貫小纓無眠後

夜月留記遠鐘聲

明詩綜

武帝燃九光之燈以待西王母

漢武帝內傳

賜嫌細棗有膏可燃燈西王母握以獻帝

洞冥記

燈史卷八十四

七

趙飛燕為皇后其女弟上七枝燈

西京雜記

趙昭儀有常滿燈七龍五鳳雜以芙蓉

百寶總珍集

皇太子納妃有金塗連盤鳴燈金塗四尺長燈銀塗

二尺連盤燈

東宮舊事

采荀爽女為陰瑜妻夫亡爽逼嫁與郭奕入郭氏室

暮乃去帷帳建四燈盛粧飾斂衽正坐與奕相見言

辭不掇奕敬憚不敢逼至曙出

荀爽傳

倡樓之上每夕常有絳紗燈萬數

揚州夢記

深閨巧娃剪紙成影燈馬騎人物旋轉如飛

乾淳歲時記

閩閩夫人墓中漆燈如日月金蠶玉燕千雙

述異記

寧王宮中每夜帳前羅列木雕矮婢飾以彩繪各執

華燭自昏達旦名曰燈婢開元天寶遺事

廬江王夫人有燈花占一卷然脂集

有人於昭應寺讀書見一紅裳女子吟詩云金殿不

勝秋月斜石樓冷誰是相憐人褰帷弔孤影叩其姓

氏云姓朱名昭遠字無忌上祖在漢時封長明公唐

天寶中封妾為珊瑚夫人賜珊瑚帳居之自此異郎

蛾子不復為暴言訖入經幢而隱蓋燈也其聞實錄

楊植借石甕寺肄業忽有一紅裳女子容色殊麗姿

態動人徐步歌于簾外植問其姓氏曰妾燧人氏之

奩史卷六

苗裔也倘承周旋誓必無累植納之自是晨去暮來

惟霾晦則不至植之乳母潛伏俟之見其自隙而出

入西幢澄澄然一燈矣撲滅之遂絕螢雪叢說

西王母取綠桂之膏以照夜西王母傳

薛靈芸母陳氏每聚隣婦夜績以麻膏照夜拾遺記

范靜妻沈氏詠燈詩開花散四照含光出九微煙花集

韓偓詩鳳脰燈青照洞房香奩集

懿德皇后同心院詞云剔銀燈待君行焚椒錄

張劬有詠紅紗美人燈詩三家詠物詩

瞿佑有詠女鞋燈詩存齋樂全集



王母授黃帝洞霄盤雲九華燈檠

事物紀原

宋潛延趙當訓誨子弟忽見美婦人立於燈下唱曰  
郎行久不歸妾心傷亦苦低迷羅箔風泣向西窻雨  
遂滅燈趨趙就寢明夜又來唱曰一自別來音信杳  
相思瘦得肌膚小秋夜迢迢更漏長守盡寒燈天未  
曉後又唱曰獨倚朱屏翠黛顰傷嗟良夜暫相親如  
今且伴才郎猶應爲才郎喪此身諸生怪趙精神恍  
惚具告其父潛往觀焉見一婦人唱曰向晚臨鸞拂  
黛眉紅妖艷冶照羅幃不辭夜夜偷相訪只恐傍人  
又得知宋抱之乃一燈檠

雲齋廣錄

奩尺卷八十四

古

韓國夫人爲千枝燈臺高八十尺置高山上然之千  
光奪目百里之內皆可望焉

津陽門詩注

漢書趙昭儀居昭陽殿壁帶爲黃金釭白樂天詩紅  
釭霏微滅張光朝詩星釭凝夜暉陸魯望詩月釭曉  
屏碧皆謂燈也李賀詩曰語燕踏簾鈎曉釭屏中碧  
亦謂美人寢眠而曉燈猶在釭也

丹鉛錄

江南貴家每宴響玉一鳴青衣紅綃十餘曹籠燈迎  
立

敘小志

諸王親迎用生色燭籠十

宋史

周漢國公主贍前有燈籠二十提燈二十

南渡宮禁典儀

皇后儀仗有紅紗燈籠四

明會典

容氏出入皆以五更內府供用庫大白蠟燈籠黃蠟

炬燃亮子不下二三千枝

酌中志畧

后夫人將侍於君前息燭後舉燭

尚書大傳

齊文徐吾與隣婦李吾輩合燭夜績李吾以徐吾貧

燭數不屬欲弗與夜徐吾曰一室之內益一人燭不

為益聞去一人燭不為益明何愛東壁餘光使貧妾

不蒙見哀之惠乎遂復與夜績

列女傳

羊侃宴客侍婢百餘人俱執金花燭

梁書

太宗夜幸玉堂蘇易簡已寢無燭不能覓衫帶宮嬪

奩史卷八十四

五

乃自窻榻中引燭入照之

天祿識餘

韋涉家宴婢皆執燭四面行立呼為燭圍

長安後記

同昌公主有香蠟燭燭上烟出則成樓閣臺殿之狀

或云燭內有蜃脂故也

杜陽雜編

同昌公主薨帝以仙音燭賜安國寺冀追冥福狀如

高層露臺雜寶為之花鳥皆玲瓏臺土安燭既燃點

則玲瓏者皆動丁當清妙燭盡響絕

虛谷閒抄

韓渥視草金鑾殿深夜方違官妓秉燭以送

南唐近事

王衍夜泛小龍舟使宮人乘短畫船倒執炬蠟千餘

條逆照水面以行

五國故事

上元燈宴后母當入觀高后止之曰夫人登樓上必加禮於心殊不安但令賜之燈燭

宋史太后回鑾復值稱壽上用龍涎沉腦屑和蠟為燭兩

行列數十枝豔明香溢上問此燭頗愜聖意否太后

曰爾爹爹每夜常設數百枝諸閣亦然上因后起更

衣微謂憲聖曰如何比得爹爹富貴

避暑漫抄張芸叟初遷集見女把酒芸叟有怏怏不樂之意命

各探坐中物賦詩一女賦蠟燭云尊前獨垂淚應為

未灰心蓋以諷之

退齋雅聞錄皇太后皇太妃燈燭局有燈燭郎君

奩史卷八十四

夫

安南國進皇后方物有金燭臺一對

天南行記黃輔夜飲有三婦人至輔曰夜過三更小娘子豈得

到此三婦怒把鐵燭逐之輔放聲叫呼忽無所見

總錄

季貞常熟沙頭市女子少有夙慧其父老儒也抱置

膝上令詠燭詩應聲曰淚滴非因痛花開豈是春父

推墮于地曰非良女子也

玉塵新譚丁六娘十索詩懽情不耐眠從郎索花燭

名媛詩歸梁簡文帝詩燭銀踰漢女江總貞女峽賦會照耀之

燭銀 玉臺清照

娼女孫小九家燭結花若連珠

夸聖志

桀愛蒙山二女宮中燭心至跋皆用異香寶屑燃之

數里皆香

燉煌紀年

柳公權名對燭見跋宮人以蠟淚揉紙繼之

唐書

文帝迎靈芸築燭臺列燭臺下望若列星

拾遺記

故宮中用鏤金合疏黃為發燭

佩楚軒客談

周建德中齊后妬宮女貧者以發燭為業

輟耕錄

惠文與華陽夫人用吸火水晶瓶以滅燭

芸胞私記

漢制後宮用五色薰籠

西京雜記

漢光武后陰麗華有金虬屈膝倒鳳銜花簫局簫局

奩史卷八十四

十七

古薰籠也亦名秦箒

記事珠

皇太子納妃有漆畫手巾薰籠二大被薰籠三衣薰

籠三

東宮舊事

正月初婚忌空牀不得已者以薰籠置牀厭之

居家宜忌

王建宮詞銀薰籠底火霏霏

王司馬集

王季娥詩薰籠香冷火應消

羣芳譜

后梓宮中有象牙火籠

修復山陵故事

梁范靜妻沈氏詠五彩竹火籠詩云氤氳擁珠被出

入隨細裙

名媛集

各宮冬天火爐約有數千皆銀為之

看花行者談往

馮小憐有足爐曰辟邪手爐曰鳧藻冬天頃刻不離  
皆以其飾得名 採蘭雜志

范夫人徐淑詩地爐火盡冷侵牀 羣芳譜

奩史卷八古

六

奩史卷八十四

宋書

日朝採手戲已竟蕭冬天更陰

舊史卷八十五

東吳王初桐于陽暮述

中吳胡士震竹巖校刊

器用門二

簾

越有美女二人夷光修明以貢于吳吳處以椒華之

房貫細珠為簾幌朝下以蔽景夕捲以待月二人當

軒並坐理鏡靚粧于珠幌之內若雙鸞之在輕霧止

水之漾秋渠

寶積記

徐福為始皇作自然之簾懸於宮門始皇抱文殊子

舊史卷八十五

一

膝上其簾便下去之則簾自捲又名不鈎

記事珠

漢武起招仙閣以處異姝編翠羽麟毫為簾

漢武故事

趙昭儀居昭陽殿織珠為簾風至則鳴

西京雜記

則天后垂簾與張嘉貞語嘉貞請去簾后去之

嘉貞錄

張說於元宵名諸姬共宴苦于無月夫人以鷄林夜

明簾懸之炳於白日夜半月出惟悅宅無光簾奪之

也採蘭雜志

唐宮中有瑞英簾人在簾間自外望之有光

清異錄

摩勒傳紅綃妓軸簾延客軸簾言捲之如軸

表異錄

夏侯亶性儉率有妓妾十數並無被服每客至常隔

簾奏樂時謂簾爲夏侯妓衣

雞蹶集

同昌公主出降堂中設却寒之簾類玳瑁斑有紫色

云却寒鳥羽所成設之辟寒

杜陽雜編

解學士訪某駙馬不值公主聞其名欲觀之隔簾使

人留茶解索筆題口錦衣公子未還家紅粉佳人叫

賜茶內院深沉入不見隔簾閒却一團花

佳言玉屑

嫁女妝奩牀帳門簾止用厚紅緜子爲之不必首帕

札花綉緞

婚姻約

花史有捲簾侍女

西堂刺稿

崔顥盧姬篇水晶簾箔繡芙蓉

唐詩玉臺新詠

奩史卷八五

二

歐陽六一放玉臺體詩銀蒜鉤簾宛地垂銀蒜蓋鑄

銀爲蒜形以押簾也宋元親王納妃公主下降皆有

銀蒜簾押幾百雙

詞品

崇蘭館序云綺幔高褰結金索皆神麥之穗珠簾不

捲懸銀鈎盡仙蒜之條

女紅餘志

女媧筮張雲幕而枚占神明

歸藏

漢武帝以衣帶縛麗娟之袖閉於重幕之中恐隨風

而去也

洞冥記

趙飛燕於宵遊宮鋪黑絨之幕取夜不見形

趙后遺事

同昌公主有瑟瑟幕色如瑟瑟輕明虛薄向空張之

則疎朗之紋如碧絲之貫真珠雖大雨暴降不能溼  
溺云以鮫人瑞香傳也 杜陽雜編

粲姬盆幕融如陽春 天祿閣外史

孫權趙夫人巧妙無雙析髮以神膠續之織爲羅紗  
裁爲幔內外視之飄飄如烟氣輕動而房內自涼時

人謂之絲絕 拾遺記

宋氏傳父周官音義苻堅命就其家立講堂以宋氏

爲文宣君書生隔絳紗幔受業焉 秦書

梁朝柳惓甚重其婦頗成畏憚性愛音樂女妓精麗  
畧不敢視僕射張稷與惓密而爲惓妻賞敬稷每詣

奩史卷八十五

三

惓必先相問夫人惓每欲見妓恒因稷請奏其妻隔  
幔坐妓然後出 梁書南史同

范純仁婦以羅爲帷幔文正公不悅 蘇氏家語

昭王與儀姬夜戲帷中 冬觀手抄

泉邱人有女夢以其帷幕孟氏之廟遂奔之 讀左日抄

孔子見衛夫人南子在錦帷中孔子北面稽首夫人  
自帷中再拜環珮之聲璆璆然 魚齋典畧

齊孝孟姬使侍御者舒帷以自鄣蔽 急就篇補注

西王母以紫錦爲帷 漢武故事

武帝張雲錦之帷以待西王母 漢武帝內傳



趙飛燕爲皇后其女弟上遣金錯繡帷

西京雜記

鄴三老廷掾嘗爲河伯娶婦河上張絳帷女居其中

如嫁女之法

讀史備志

皇太子納妃有青布碧裏梁下帷一紺絹青布窻戶

帷各一

東宮舊事

穆帝立年始二歲皇太后褚氏設白紗帷于太極殿

抱帝臨軒

晉陽秋晉起居注同

懿安張太后居崇寧宮帝每年正旦朝后帝四拜后

在帷中答兩拜各不相見

舟車集

燕昭王處旋娟提嫫以丹綃華幄

拾遺記

舊史卷五

四

皇太子納妃有絳絹幄

東宮舊事

武帝思念李夫人有方士李少翁言能致夫人之神

乃夜設燭燈于幄帷令帝別居幄帷中遙望見李夫

人之貌

桓子新論

元后未央宮置酒內者令爲傅太后張幄座於太皇

后旁王莽曰定陶太后藩妾何得與至尊並撤去更

設座傅太后聞之大怒不肯會

漢書

皇太后皇太妃殿幄局有殿幄郎君

遼史

傅信母疾傅信取鷄鴨置承塵上落地毋轉飾

語林

淳祐間吳妓徐蘭擅名一時堂館華麗至以錦纈爲

地衣 癸辛雜識

世祖宏吉刺后勤儉有節宣徽院羊羶皮置不用后

取之合纒為地毯 元史

花蕊夫人宮詞青錦地衣紅繡毯

越將伐吳越王命子夫人王背屏夫人向屏而立王

曰自今日之後內政無出外政無入王出夫人送王

不過屏因反闔其門填之以土 吳越春秋

漢武帝幸夫人以雜寶為龜甲屏風 洞冥記

成帝省減椒房許皇后上疏曰使妾欲作某屏風張

於某所必繩妾以詔書矣 漢書

奩史卷八五

五

趙飛燕為皇后其女弟在昭陽殿上襪三十五條內

有雲母屏風瑠璃屏風 西京雜記

孫亮作瑠璃屏風令愛姬坐屏風內而外望之如無

隔惟香氣不通于外 拾遺記

趙昭儀昭陽殿中設木畫屏風文如蜘蛛絲縷 西京雜記

吳主亮為夫人作金螭屏風鏤祥物一百三十種一

日亮與夫人戲觸屏墜其一鳳頭之飛去 南部烟花記

石虎作金銀鈕屈膝屏風使皇后夫人行坐其中 中

記

皇太子納妃有牀上屏風十二牒銀鈎鈕梳頭屏風

二十四牒織成遮地屏風十四牒銅環鈕

東宮舊事

荀分子爲荊州刺史荀婦大妬恒在子齋中客來便閉屏風有桓參軍者來詣荀諮事論事已訖復作餘語婦在屏風裡語云桓參軍論事已訖何以不去桓狼狽走

俗說

顏延之愛姬死以冬月臨哭忽見妾排屏風以壓延之延之懼墜死

異苑

周千金公主先嫁突厥及隋文帝篡周又滅陳以陳主叔寶屏風賜主主因宗國之亡心懷不平因書屏風爲詩叙陳亡自寄末云惟有昭君曲偏傷遠嫁情

舊史卷八五

六

讀者悲之

女世說

煬帝鑄烏銅屏數千面磨以成鑑爲屏環于寢所帝御女織毫皆入鑑中

迷樓記

陽文張玳瑁屏風黃金爲屈膝長七尺廣二尺可以卷舒

女紅餘志

元宗以虹霓屏風賜貴妃其屏風雕刻前代美人之形可長三寸衣服皆用衆寶雜廁而成水精爲地外以玳瑁水犀爲押絡以珍珠瑟瑟間綴精妙殆非人力所製此乃隋義成公主物貞觀初與蕭后同歸中國上因而賜焉妃歸衛公家遂持去安於高樓上未

及將歸國忠日午偃息樓上至牀觀屏風在焉纔就枕而屏風諸女皆下牀前各通所號曰裂繒人也定陶人也穿廬人也當壚人也亡吳人也步蓮人也桃源人也斑竹人也奉五官人也温肌人也曹氏投波人也吳宮無雙返香人也拾翠人也竊香人也金屋人也解佩人也爲雲人也董雙成也爲煙人也畫眉人也吹簫人也笑蹙人也垓中人也許飛瓊也趙飛燕也金谷人也小鬟人也光髮人也薛夜來也結綺人也臨春閣人也扶風女也諸女各以物列坐俄有纖腰妓人近十餘輩曰楚章華踏謠娘也廼連臂而

奩夏卷八

七

歌之曰三采芙蓉是我流太陽造得小陽收俄而遞爲本藝呈訖一一復歸屏上國忠惶懼遠走下樓急令封鎖之貴妃知之亦不欲見焉太真外傳

孫夫人有木嬾小石屏號玉羅漢屏山家清供

延鈞爲金鳳造水晶屏風周圍四丈二尺與金鳳淫狎於內令宮女隔屏覬之金鳳外傳

王淑妃有水精金脈屏風清賞錄

鄧林婦病積年垂死韓支爲筮之使畫野猪著卧處

屏風上一宿遂差觀生手鏡

英英采芳館內設六角雕羽之屏元氏掖庭記

太子納妃有絲布碧裡步障三十漆竿銅鈎東宮舊事

王凝之妻謝氏有才辯獻之嘗與賓客談論詞理將

屈謝氏遣婢白獻之曰欲與小郎解圍乃施青綾步

障自蔽與客申獻之前議客不能屈晉書

暎娘每夜研墨濡穎列繡燈圍以紫絲步障觚賸

寵姐寧王愛姬王宴客妓妾皆在獨寵姐無得見者

李白恃酒強之乃設七寶花障使寵姐於障後歌之

白曰雖不許見面聞其聲亦幸矣侍兒小名錄

皇太后皇后儀仗有行障坐障玉海

諸皇親迎行障坐障各一引障花十宋史

舊史卷五

周漢國公主下降楊鎮其轎前有引障花十行障坐

障南渡宮禁典儀

行障坐障自唐宋有之皇后重翟車後皆有行障六

坐障三左右夾車宮人執之而唐書宋史不載其制

金史行障長八尺高六尺坐障長七尺高五尺明皇

后用行障坐障皆以紅綾爲之繪升降鸞鳳雲文行

障繪瑞草于灑水坐障繪雲文于頂明史

皇后以下皆用行障一坐障一別有絲繪皇妃行障

坐障俱紅綾爲之繪雲鳳香草明會典

丁六娘十索詩欲防人眼多從郎索錦障玉臺新詠

西王母梯几戴勝郭璞曰梯憑也 山海經注

趙昭儀有玉几 西京雜記

帝用樊噲計為后別開遠條館賜文玉几 飛燕外傳

韓康伯母隱古几 晏公類要

武后倚檀几與宜都內人語 李義山文集

謝蘊玉有七寶靈檀之几几上有文字隨意所及文

字輒形隸篆真草亦如人意 辛觀手抄

安南國進皇后方物有羚羊角几一 天南行記

許后五日一朝皇太后於長樂宮親奉案上食 漢書

皇太子納紀有漆金度足奏案一枚 東宮舊事

舊史卷八十五

九

玉女以金案玉杯盛藥賜沈羲 神仙傳

石虎以官人為女官門下通事以玉案行文書 齊中記

同昌公主琢百寶為圓案 杜陽雜編

孟光舉案齊眉按說文几屬也用修以案為今之案

卓非也至以為盃尤無據楚漢春秋淮陰侯謝武涉

漢王賜臣玉案之食以今度之想是玉盤而下有足

者曰玉案故說文以為几屬耳 宛委餘編

古人布席於地席上置案如今世滿洲桌是也梁鴻

家或從此制所以可舉 天香樓偶得

嫁女粧奩卓椅不必鋪螺墊等令價高難置 婚姻約

徐敦立言往時士大夫家婦女坐倚子元子則人皆  
譏笑其無法度

老學庵筆記

皇后儀仗有金文椅

明會典

薩都刺題宮人圖云沉香椅上鳳褥光

雁門集

楊褒家甚貧家姬數人布裙糲食而歌舞妙絕歐陽

公見楊直講侍兒雙彈琵琶詩嬌兒兩幅青布裙三

脚木床坐調曲蓋紀實也

燕談錄

大家用三脚木床以坐歌妓謂之鼎枕

言鯖

皇太子納妃有獨坐褥二

東宮舊事

子夜冬歌炭燭却夜寒重袍坐疊褥

樂府詩集

奩史卷八五

十一

宋劉貴妃入宮爲紅霞帳屢進賢妃恃寵驕侈盛夏

以水晶飾脚踏高宗取爲枕妃懼乃撤去

清賞錄

皇后儀仗有金脚踏

明會典

陳後主倚隱囊置張貴妃於膝上百司啟奏令貴妃

決之無所遺脫

陳書

姚嬀俞詩坐擁烏皮倚隱囊且翻焚夾靜焚香

再生事

張祐病宮人詩四體強扶藤夾膝

唐詩歌吹

帝見玉母有一卷書盛以紫錦之囊母曰此五嶽真

形圖也

漢武內傳

成帝許美人乳詔使婢嚴持綠囊書與美人美人葦

篋盛所生男緘封及綠囊報書于嚴

安妃侍女帶青革囊

俗之婦人八月旦多以錦翠珠寶為眼明囊凌晨取

露拭目

賜帝宮女無數不得進御者亦極衆侯夫人一日自

經於棟下臂懸錦囊中有文左右取以進帝乃詩也

帝反覆傷感厚禮葬之以其詩命樂府歌焉

裴通遠妻女車輿遊觀日晚而歸有白頭嫗徒步奔

走車中四小女許以共載嫗荷愧登車及至而去乃

於車中遺下小紅錦囊諸女共開之中有白羅製為

舊史卷八十五

逝者覆面之物四焉諸女驚駭亟棄於路不旬日四

女相次而卒

窈窕以相思子兩枚書名其上與叔良互藏一枚謂

之留情石又作鸞鵲錦囊盛之繡銘於上曰兩心如

石萬載靡斃

剡縣民獵經深山見小屋中女子年十五六容色甚

美著青衣忻然與為室家後思歸女以腕囊與之語

云慎勿開也既歸開視有小青鳥飛去

更羸妻能作鎖雲囊大如蠶繭可以開合佩之陟高

山有雲處不必開囊雲氣自入其中歸家啟視有雲



氣如白綿自囊出

謝氏詩源

齊凌波以藕絲連螭錦作囊四角以鳳毛金飾之實以辟寒香以寄鍾觀玉觀玉方寒夜讀書一佩而徧室俱煖芳香襲人

林下詩談

禁中臈月三十日爲大節夜后妃諸閣皆進歲軸兒

及珠翠百事吉利袋

九朝通畧

宮中有娠賜紅布袋盛馬通末用簇花生色袋副之

武林舊事

永樂十三年賜寧國長公主紅字輪六十個大吉祥妙輪十一個大紅明花紵絲袋金字輪三個共一袋

舊史卷八五

三

弇山堂別集

九華安真妃侍女著青衣捧白玉箱以絳帶絡之箱

似象牙箱形

眞譜

靈昭夫人兩侍女捧赤玉箱一枚青帶絡之題白玉檢曰太上章一檢曰太上文

登眞隱訣

周漢國公主下降房奩有羅鈿柳箱籠百隻并鍍金

銀鎖百具錦袱百條

癸辛雜識

江岳遠遊以其妾三姐併二箱置友人家友人家婦女進饌出卽掩其門竟日危坐三年而不變會主人當賀江妾具禮物甚腆後主人之婦女窺視其箱多

金寶錦繡 梅花草堂筆談

温璜母陸孺人姑沈病且貧同坐卧一板箱種火煨

粥以爲食 靜志居詩話

某家新婦于歸之夕有賊穴壁入以大木擊死其家  
舉火視之乃所識隣人惶惑恐反以餌禍新婦曰無  
妨令空一箱納賊屍于內舉至賊門首剝啄數下賊  
婦開門見箱謂是夫所盜即舉至內數日夫不返發

視乃是夫屍 耳譚

陳友諒所愛桑妃有水晶鏤鳳箱海賈所進 雲蕉館紀談

嫁女粧奩箱櫃大小不過八不必鋪螺墊等令價高

奩史卷八五

三

難置 婚姻約

黃竹子歌江邊黃竹子堪作女兒箱 古樂府集

女郎張窈窕詩衣裳都賣盡羞見嫁時箱 鑑戒錄

金貴妃定哥先與閻乞兒姦及罷衰欲以計納乞兒

宮中恐聞者索之乃命侍兒以大篋盛褻衣其中遣

人載入宮闈者索得悔懼定哥使人詰責曰我天子

妃親體之衣而翫視何也闈者惶恐曰死罪定哥乃

使人以篋盛乞兒載入宮闈者果不敢復索 女世說

張訓妻故劍俠也太祖給諸將鎧甲訓得敝者不如

意妻曰司徒不知耳明日太祖命易之後賜馬復得

鴛鴦妻復言明日太祖問訓曰爾家事神耶吾前賜甲是夜夢一婦人衣珠衣告子曰公賜張訓甲甚倣當易之今賜馬復夢前珠衣婦其故何哉訓亦莫之測訓妻有衣籠常自啟閉不爲人所見會妻出訓竊啟之得珠衣一襲

吳錄

皇太子納妃有漆文金裝衣籠二具

東宮舊事

武悼皇后于宮有貯衣蝮蠶籠二

修復山陵故事

蘇耽仙去留一櫃養母所需卽有

列仙通鑑

公主出百數十人各執掃具鍍金銀水桶前導洒之名曰水路

東京夢華錄

宦史卷八

一四

汪青溪妻有錫熟水器汪每對之不樂妻曰吾償其值而得之者何傷于廉

程史

元吕徽之隱居樂道雪後有訪之者惟草屋三間忽米桶中有人乃其妻也因天寒無衣坐其中問徽之所在答方捕魚溪上

今世說

荀邃夫人有志行歲荒每來糴者夫人恒叩其斛糴者歸量輒過其本時人號曰豫斛夫人

荀氏宋傳

上官昭容名婉兒母鄭氏以遺腹生昭容將誕之夕夢人與秤曰持此秤量天下豈汝耶啞啞如應曰是後內秉容母戲之秤量天下豈汝耶啞啞如應曰是後內秉

機政符其夢云

景龍文館記

宮中有娠賜鐵秤錘五個

武林舊事

王戎好治生夫婦二人以象牙籌晝夜算計家財

晉書

皇太子納妃有銀牙鎖二綵帶副

東宮舊事

劉照為河間太守婦亡葬于後園後太守至夢婦人

遺一雙鎖太守不能名婦曰此歲裝鎖也以金縷相

連屈伸故以相贈後照果迎喪還

錄異傳

僖宗自內出袍于領賜塞外吏士神策軍馬真于袍

中得金鎖一枚詩一首云玉燭製袍夜金刀呵手裁

鎖寄千里客鎖心終不開真就市貨鎖為人取告主

奩兒卷八

五

將得詩奏聞僖宗訪出作詩宮人遂以妻真

全唐詩話

河靖有一女數歲而亡女始病時弄小刀子母奪取

不與傷母手喪後一年又產一女年四歲問母曰前

時刀子何在母曰無也女曰昔爭刀子故傷母手云

何無耶母甚驚怪告靖靖曰先刀子猶在不母曰在

靖曰可更取數刀子合置一處試之女見大喜遂取

先者

史書佔俚

宮中誕育賜物有檀香匣盛唾銅剃刀二把金鍍銀

鎖鑰全又有鐵鈎五十枚

武林舊事

承樂中賜寧國長主公鍍金銅鈐杵六副

弇山堂別集

安南國進皇后方物狀有紅錦索四條天南行記

宮中有娠賜彩畫油栲栳簸箕各一武林舊事

崑山田姬家傳一簸箕日以播米形類蝦蟆殼有商

見之以五千金買去蓋殼能圓珠珠之凹凸不正者

一經殼中滾之則圓如芡粒說圖識餘

庾袞兄女將嫁袞刈荆荇為箕箒命之王隱晉書

北朝婦人常以正月進箕箒長生花西陽雜俎

陶穀使江南韓熙載夜遣歌妓秦弱蘭詐為驛卒之

女敝衣持帚灑掃驛庭陶悅之與狎因贈一詞名風

光好玉壺清品茗溪漁隱叢話曰風光好詞江南野錄謂是曹翰使江南贈妓本事曲謂是陶穀

### 奮史卷八十五

六

使錢塘贈驛女冷齋夜話謂是穀使江南贈韓熙載歌姬三說互異少室山房筆叢曰陶穀秦弱蘭事見宋士人供狀當不誣

上元節人家婦女名帚姑以下熙朝樂事

弊帚繫裙以下名掃帚姑婢子為之便民圖纂

東海徐氏婢蘭香忽患羸黃而拂拭異常共伺察之

見掃帚從壁角來趨婢床取而焚之婢乃平復異苑

李氏女被魅萬尊師設壇訊之旋風中有物下墜則

糞帚也折之鮮血噴出魅乃絕啟禎野乘

西王母降殿前有五十大仙童執綵旄之節漢武內傳

太上玉晨道君授夫人九色之節南岳夫人傳

皇后儀仗有響節二

明會典

西王母以玉箱杖獻武帝

漢武內傳

武帝登少室山見一女子以九節杖仰指日閉左目  
開右目氣且絕久乃蘇息武帝使問之女子不答東  
方朔曰婦人食日精者

劉根別傳

縻竺家廐側古塚夜聞涕泣聲見一婦人袒背而來  
訴云昔漢末妾為赤眉所害叩棺見剝乞將軍深埋  
并弊衣以掩形體竺許之即命為棺槨以青布為衣  
衫置塚中歷一年忽見前婦人著青布衣語竺曰君  
合遭火厄今以青蘆杖一枚報君之惠竺持杖歸隣

查史卷五

七

中常見竺家有青氣如龍蛇之形旬日火從庫內起  
有數十青衣撲火滅

拾遺記

入善書帝文選竺曰

郭逸妻以大竹杖打逸前妻之子死妻因棄市

晉書

文宣帝沉湎日甚冀太后舉杖擊之曰如此父生如  
此兒

北齊書

開元二年婦人年八十以上者賜以鳩杖

孔氏六帖

陳季常嘗宴客有妓侑觴妻柳氏持杖擊照壁大呼

客遂散去

東坡詩註

皇后儀仗有金吾杖四鐙杖四皇妃有紅杖二

明史

聖婆至岑樓山渴甚以竹杖卓地水隨杖出

貴州通志

閨秀倪仁吉高董樵爲人製方竹杖遺之

漁洋詩話

宜春王妃侍春日遊後圃觀桃花爛開意欲折而條

高小黃門取綵梯獻

清異錄

宮中有娠賜物有綠油柳木槌十箇

武林舊事

爾雅娶婦之笱謂之鬻說文鬻寡婦笱詩云惟寡婦

之笱古之漁笱亦有制也

古今原始

元帝時臨池觀竹既枯后母思其響夜不能寢乃作

薄玉龍十枚以縷線懸于簷外夜中因風相擊聽之

與竹無異民間效之不敢用龍以什駿代今之鐵馬

是其遺制

芸窗私志

奮見卷八五

六

宮中有娠賜新羅漆馬銜鐵一副

武林舊事

風箏近作女人形入於雲霄嫵娜萬狀

春雨堂雜抄

李韶英有看小妹放紙鳶詩

浮梁縣志

閨秀張學典有見六妹學聖放紙蝶詞

美人書

宮中誕育賜物有竹紫五十把眠羊臥鹿二合各十

五事影金貼羅散花兒二千五百裝畫子一座

武林舊事

一村媪老而盲婦炊未熟夫喚他往婦囑姑畢炊媪

無所覩誤捫溺器盛之婦歸不敢言先取其當中潔

者食姑次饋夫其器旁惡者乃以自食未幾天忽晝

暝其婦暗中得小布囊貯米三四升遂足供夕饋明

且視囊中米復如故寶之至今

駭車志

李世賢夫人自少患遺溺每溺輒夢兩宮人捧溺器至而溺器兩旁悉畫龍鳳迨公進禮部侍郎贊皇太子大婚禮夫人亦入宮中賀適小遺甚急作顰顙狀皇后詰之夫人以直告遂命宮人引至一處以龍鳳

溺器進恍如平日夢中

柳南隨筆

楊貴妃溺器蓋後人用爲盥水銅盆

無聲詩史

鍾益妻懿于田遇一少男悅之隨至家淫焉自去自來家人不覩也初婦秘不肯洩後少年真婦與夫同卧勒婦投繯婦懼語其姑姑曰我聞妖邪懼穢汝俟

奮史卷八十五

一九

其來執之推入溺桶中婦依計少年連聲叫曰拉圾拉圾漸漸縮小因以蓋罩定久之聲息傾出視之乃

桔槔中一塊柘木鶴漆也

培壘居襍錄

潘璋妾每出必以虎子自隨

夷堅志

褻器謂之獸子古貴嬪家獸子皆製以銅爲馬形鬣尾皆具而背爲大穴用距之以便溺如跨馬之狀意便於坐備雅觀也今則褻器盡以木爲之名爲馬子或本平獸子而變通之耶

在園雜志

安平俗男女厠籌皆用瓦礫代紙安平唐博陵縣崔鶯鶯縣人也不能不爲鶯鶯要處掩鼻

甲乙刺言



裕宗徽仁皇后侍姑昭慶皇后不離左右至溷廁所

用紙亦以面揉令柔軟以進

元史

月水布燒作灰婦人來即取少許置門閫門限婦人

即留連不能去

感應類從志

令婦不妬取月水布裹蝦蟇於廁前埋之

博物志

童女月經衣治霍亂

千金方

今世婦人囊服中有巾帨之類用於穢處而呼其名

曰陳姥姥雖委巷之談非無自也陳稜討杜伏威伏

威拒之稜閉壁不戰伏威送以婦人囊服謂之陳姥

姥豈沿其稱歟

言鯖

奩史卷八十五

辛

嚴世蕃與婦人合用新白綾汗巾為穢巾每合一次

輒棄其一於牀下歲終數之為淫籌焉

笑史

今世婦人囊服中有巾帨之類用於穢處而呼其名

曰陳姥姥雖委巷之談非無自也陳稜討杜伏威伏

威拒之稜閉壁不戰伏威送以婦人囊服謂之陳姥

姥豈沿其稱歟

今世婦人囊服中有巾帨之類用於穢處而呼其名

曰陳姥姥雖委巷之談非無自也陳稜討杜伏威伏

威拒之稜閉壁不戰伏威送以婦人囊服謂之陳姥

奩史卷八十五

奩史卷八十六

東吳王初桐于陽篡述

范陽劉翰周東屏校刊

器用門三

舟車

周昭王没于江漢延娟延娛二美女夾擁王身同没

數十年間人見王與二女乘舟於水際拾遺記

漢成帝與飛燕泛舟太液池以沙棠爲舟雲母飾于

鷁首一名雲母舟西京雜記

趙婕妤於太液池作千人舟號合宮之舟飛燕外傳

奩史卷八十六

太液池有越女舟西京雜記

皇后御翔螭舟諸妃嬪乘浮景舟大業雜記

錢忠過吳江遇一女子攜舟獨棹于煙波浩渺間忠

作詩贈之女子攜歸呈其父父遂以女奉忠泛舟同

入煙波不知所往青瑣集

成都四月十九日士女泛舟浣花溪之百花潭相傳

唐冀國夫人故事也老學庵筆記

柳惲書請以小蘭葉載桃葉小姬以往欽小志

張士誠常以彩漆金花舟施錦帆載美人泛於川列

妓女於上使唱尋香採芳之曲蘆起雜事

王修微居無住著嘗輕舟載書畫往來五湖間許修  
微道人生誌銘

李續詩雙鬟小妓木蘭舟草堂雅集

甘棠媚温琬泛舟詩醉擁笙歌綵艦搖落花飛絮撲  
蘭橈碧波行處新荷小驚起鴛鴦拂畫橋彤管集

鄭定高郵女兒歌高郵女兒能盪舟湖洞集

漢武帝使宮人乘舟弄月有遊月船觸月船洞冥記

漢昭帝與宮人水嬉以文梓為船木蘭為柁刻飛鸞  
翔鶴飾於船首隨風輕漾畢景忘歸拾遺記

漾綵船貴人美人夫人所乘大業雜記

奩只卷六

二

貞元間有俞大娘船最大國史補

蜀中多是婦人刺船杜詩邵注

小脚船專載小妓女燒香婆嫂夢梁錄

秦淮燈船之盛天下所無火龍蜿蜒光耀天地名姬

艷粧粉香狼籍板橋雜記

修微道人每欲製一船合字真子舴艋皮囊美五泄

陶峴孟雲卿三舟為式布帆桂楫浮沉煙外生誌銘

黃竹子歌一船使二槳得娘還故鄉古樂府

朱瀾宮詞采蓮宮女分花了笑把蘭篙學刺船中州集

楊維禎西湖竹枝詞小小渡船如缺瓜船中小婦竹

枝歌

湯帝龍舟蕭妃鳳舸錦牝綵纜窮極侈靡每舟擇妙麗長白女子千人為殿脚文擢吳絳仙為首檝號曰

腔啊夫人

大業拾遺記

青鳧舸凌波舸飛羽舸宮人習水者乘之

大業雜記

端陽日金鳳造綵舫數十於西湖每舫載宮女二十餘入衣短衣鼓楫爭先金鳳作樂遊曲使宮女同聲

歌之

金鳳外傳

樓叔韶至一精舍主人乃少年僧推窗平湖當前數十百頃僧以塵尾敲闌干數聲俄有小畫舫傍湖而

奩史卷六

三

來二美人徑出登岸靚妝麗質王公家不過也

談藪

王端淑嘗夢坐安妃畫舫

本事詩

錢芳標詞淡粧人在小煙波注小煙波舫名

湘瑟詞

朱鳥航蒼螭航宮人習水者乘之

大業雜記

靈帝於西園起裸遊館千間引渠繞砌畫船遊漾選

玉色輕體以執篙楫其水清澄盛暑時使舟覆沒視

宮人玉體者

拾遺記

女娟者趙津吏之女也簡子欲殺津吏娟懼持楫走

前日願以微軀易父之死備員用楫遂與渡中流為

河激之歌簡子大悅歸納為夫人

列女傳

殿脚女千人皆執雕板鏤金楫中有吳絳仙者有寵  
於帝帝因吟持檝篇賜之曰舊曲歌桃葉新妝艷落  
梅轉身倚輕楫知是渡江來

隋遺錄

龍舟用綵纜十條每條用殿脚女四十人牽之

開河記

東海聖姑從海中乘船張石帆至

會稽記

劉道真遭亂于河側自牽船見一老嫗搖櫂曰女子  
何不調機利杵而摧鷗答曰丈夫何不跨馬揮鞭而

牽船

古言

紫姑詠摺詩寒崖雪壓松枝折班班剝盡青蚪血運  
斤巧匠斲削成劍脊半開魚尾裂五湖仙子多奇志

舊史卷八十六

四

欲駕扁舟探禹穴碧雲不動曉山橫數聲搖落江天  
月

齊東野語

徐堅棹女詩影入桃花浪香飄杜若洲

唐詩鏡

娥皇泛於海上以桂枝爲表結芳茅爲旂刻玉爲鳩  
置于表端言四時之候卽今之相風也

拾遺記

左芬有相風賦

古今文致

西王母乘翠鳳之輦前導文虎文豹後列雕麟紫麈  
仙傳拾遺

西王母乘紫雲之輦駕九色斑龍

漢武帝內傳

梁冀妻孫壽乘輦張羽蓋飾以金錦

王韶晉紀

皇太后拜陵乘畫輪車以輦爲副晉起居注

慕容夫人段氏得幸于苻堅與之同輦十六國春秋

皇后出蠶乘羽蓋金華輦趙書

石虎皇后出乘高路輦或玉路輦或朱漆卧輦純以

雲母代紗中外四望皆通徹鄴中記

乾象輦太皇太后助祭郊廟則乘之後魏書

徐太后太妃同禱青城山乘平底大車下設四卧軸

安五輪牽以駿馬其去如飛謂之流星輦前蜀紀事

皇太后所乘輿名太安輦宋史

神宗製小輦極爲輕巧以珠玉飾之進于太皇太后

奩史卷六

遂載而至涼殿太后扶其左神宗扶其右太皇太后

下輦曰官家太后親自扶輦當時在曹家作文時安

知有今日之盛喜見顏色孔平仲談苑

皇太后乘平頭輦遼史

崇禎時上與后妃密往章醮上乘小輦前立兩宮娥

其次后輦又次田袁兩妃輦玉堂書記

霍光傳皇太后乘小馬車張晏曰小馬車皇太后所

駕遊宮中輦也漢雋

周制皇后輦有翼緝雉羽以障翳風塵崔豹古今注

皇后輦車有翼羽蓋以翳日通典

飛燕既得幸成帝樊嬭進言飛燕有女弟合德容體  
與飛燕比帝令以百寶鳳毛步輦迎合德合德乃至  
帝見于雲華殿

飛燕外傳

漢書

公主出降七香步輦四面香玉香囊貯辟邪香

唐會要

同昌公主乘七寶步輦四面皆綴五色香囊囊中辟  
寒香辟邪香瑞麟香金鳳香仍雜以龍腦金屑刻鏤  
水精瑪瑙辟塵犀爲龍鳳花其上仍絡以眞珠玳瑁  
又金絲爲流蘇雕輕玉爲浮動每一出遊則芬馥滿  
路晶熒照灼

杜陽雜編

唐書

玉輅納后用之金絡皇太子納妃用之

宋會要

奩史卷六

六

聖宗仁德皇后有巧思嘗造九龍輅

遼史

皇后輅高一丈一尺三寸有奇駕以八馬

明會典

子女爲皇帝製司南車記里車

黃帝內傳

皇后五色安車

應劭漢官鹵簿圖

皇后安車其制高九尺七寸

明史輿服志

漢魏皇后親蠶乘畫雲母安車駕六驄馬

初學記

皇后乘油畫雲母安車駕驂馬

晉儀注

宣帝外祖母王媪詣闕時乘黃牛車

漢書

韓康伯避賊出武關慮婦色美因以泥塗婦面載以

鹿車身推之

後漢書

太后法駕御金根車非法駕則乘紫罽駟車吳書

金根車公主亦乘之但右駢而已後魏書

公主乘金根車自趙國莊懿公主始唐書

帝以文車十乘迎薛靈芸車皆鏤金爲輪輞丹畫其轂輒前有雜寶爲龍鳳銜百子鈴鏘鏘和鳴響於林野駕青色之牛日行三百里道側燒百葉之香靈芸未至京師數十里膏燭之光相續不滅車徒咽路塵起蔽于星月時人謂爲塵霄帝乘雕玉之輦以望車徒之盛嗟曰昔言朝爲行雲暮爲雨今非雲非雨非朝非暮改靈芸名曰夜來拾遺記

倉史卷八十一

七

皇太子納妃有四望車前後羽葆鼓吹東宮舊事

郗詵母病苦車及亡不以車載王隱晉書

莊帝姊壽陽公主行犯清路御史令捧破其車魏書

杜蘭香降張碩碩旣成婚香便去年餘見香乘車行

山際碩驚喜欲登其車婢舉手排之杜蘭香別傳

劉凝之妻郭不事榮華夫妻共乘薄萃車宋書

紫元夫人羽寶雲車駕九龍真誥

南岳夫人乘隱輪之車南岳魏夫人傳

王睂壽小妹中候夫人乘白牛車上清訣

北齊穆后車無故陷入地是年齊滅隋書



皇太子妃厭翟車亦乘漆畫輪車

蕭子顯齊書

皇太子納妃如乘厭翟車車上設紫色團蓋

東京夢華錄

蘇小小歌妾乘油壁車小小南齊時名倡

樂府廣題

太平公主武后所生后愛之傾諸女擇薛紹尚之假

萬年縣爲婚館門隘不能容翟車有司毀垣以入自

興安門設燎相屬道樾爲枯

唐詩紀事

貴妃姊妹競飾車服一犢車飾以金銀間以珠翠一

車之費不啻數千萬

明皇雜錄

長安南山下一書生作小圃蒔花木一日有金犢車

麗女從數女奴皆艷麗下飲于庭邀生同坐甚欵洽

奩史卷六

八

將別出小碧牋題詩曰相思無路莫相思風裏楊花

只片時惆悵深閨獨歸處曉鶯啼斷綠楊枝

侯鯖錄

志花史皆云書生謝翱也

公主下降舊例以銀裝車大中二年萬壽公主適鄭

顯宣宗令依外命婦以銅裝車

楮記室

后土夫人乘黃犢之車車有金壁寶玉之飾蓋人間

所謂庫車也上有飛傘覆之

張泌韋安道傳

成都諸名族婦女出入皆乘犢車惟城北郭氏車最

鮮華爲一城之冠謂之郭家車子

老學庵筆記

聖宗仁德皇后所乘車置龍首鳴尾飾以黃金

遼史

仁德皇后有巧思造諸子車

遼史

遼后述律氏見女子乘青牛車倉卒忽不見

遼史拾遺

五雲車有五箱中箱為帝座外四座為妃嬪座

元掖庭記

公主下嫁賜青臆車

遼史

容車婦人所載小車也其蓋施帷

釋名

皇后歸謁家廟服團冠背兒乘小車

武林舊事

蘭香自稱南陽人建興元年數詣張碩婢通言阿母

所生遣授配君碩前視女可十七八說事邈然久遠

有婢于二宗大曰萱枝小曰松枝鈿車青牛上飲食

皆備

杜蘭香傳

舊史卷八十六

九

郭后與楊尙二美人爭寵后以此廢而楊尙二美人

寵益甚仁宗未能去也閣文應早暮入侍言之不已

仁宗強應曰諾文應卽命璽車載二美人出以尙氏

為女道士居洞真宮楊氏別宅安置

東都事畧

歐陽元詞貂袖豹祛銀鼠襪美人來往璽車逐

圭齋集

瓜哇王偕妻出夫婦各坐塔車車高丈餘

瀛涯勝覽

新陽縣溫泉昔有玉女乘車自投此泉今人見乘車

女子姿儀光麗往來倏忽

荊州記

吳元瑜瑤池圖王母冠玉冠乘金車駕二龍攀龍者

二髻髻女童

雲烟過眼續錄

火失房梁朝后妃之宮車也

樂京雜詠注

煬帝自都抵汴何妥進御女車車幃垂鮫綃網羅綴  
片玉鳴鈴行搖玲瓏以混車中笑語

大業拾遺記

何稠進御童女車車之制度絕小祇容一人有機處  
於其中以機礙女之手足女纖毫不能動帝以處女

試之極喜

述樓記

何稠又進轉關車車中御女則自搖動帝大喜賜名

任意車

述樓記

青驄白馬云問君可憐六萌車迎取窈窕西曲娘

樂苑

盧思道美女篇時搖五明扇聊駐七香車

盧武陽集

奩史卷八十六

十

陳子良七夕看新婦隔巷停車詩隔巷遙停憶非復  
爲來遲只言更尙淺未是渡河時

唐詩紀事

陳維崧詞兜娘嬾上卓金車

烏絲詞

宋子京過御街遇內家車子有褰簾者曰小宋也子

京遂作詞曰寶臚雕輪狹路逢一聲腸斷繡幃中身

無彩鳳雙飛翼心有靈犀一點通金作屋玉爲櫳車

如流水馬如龍劉郎已恨蓬山遠更隔蓬山幾萬重

其詞達禁中仁宗知之問內人第幾車子何人呼小

宋有內人自陳土名子京從容語及笑曰蓬山不遠

以內人賜之

花庵絕妙詞選

蘭香詩縱轡代摩奴摩奴是蘭香御車奴曾忤其旨  
是以自御杜蘭香傳

成帝趙昭儀方大幸常從在屬車豹尾中漢書

晉志稱漢世祖以幸姬趙飛燕置屬車豹尾中豈武  
帝世別有一趙飛燕耶抑李夫人之誤也宛委餘編

崔豸以雕幃載妓遊觀掖言

清明節禁中出車駕詣奉先寺祀諸宮人墳莫非金

裝紺幃錦額珠簾繡扇雙遮紗籠前導東京夢華錄

劉禹錫泰娘歌紺幃迎入專城居劉賓客集

西王母駕鸞之輿洞冥記

奩史卷六

王母乘九蓋華輿衆真侍衛上清隱書龍文經

王母乘綠景輿茅君內傳

王母乘八景輿西王母傳

王母乘三素之輿上清訣

西華玉女乘八景飛輿南岳魏夫人傳

南岳夫人乘玉輿南岳魏夫人傳

杜黃裳爲相其夫人出僅乘綠輿幽閒鼓吹

皇太后坐六龍輿張繖宋史

苗劉兵變孟太后乘黑竹輿宣諭揮塵後錄

皇太后皇太妃車輿局有車輿郎君遼史

世以板輿爲奉母事取潘安仁閒居賦太夫人乃御板輿之意

野客叢書

甯猶狗母年七十餘造板輿載母夫婦共昇行園田

以娛之

元史

諸王親迎用塗金銀裝肩輿

宋史

歐文恪公女適人止乘兩人所昇肩輿

先進遺風

轎者肩行之車宋中興以後皇后嘗乘龍肩輿

明史

武后幸玉泉祠以道險欲御腰輿王琳奏罷之

唐書

泉福三州婦人轎子則用婦人荷

鷄肋

皇妃鳳轎

明史

奢史卷六

七

客氏歸私第過下馬門卽乘八人大圍轎

酌中志畧

貴家士女小轎插花不垂簾幙

東京夢華錄

客氏在宮中乘小轎撥內官近侍擡走如先廟妃嬪

禮止少一青紗蓋耳

酌中志畧

洞庭山富家婦少而美夫死獨居一日聞街頭鼓樂

謂侍兒曰誰家娶婦盍往觀之遂出門坐花轎中下

太湖中去富家訟之縣緝捕甚急娶親者懼以其婦

盛粧送宜輿大見寵悅

霜猿集

新人花轎懸竹篩上畫八卦

赤嵌筆談

皇妃鳳轎紅油絹雨轎衣親王妃鳳轎木紅平羅轎

衣小轎轡紅素紵絲轎衣

明會典

親迎之禮姆奉女出中門婿舉轎簾以俟

文公家禮

齊孝公遊琅邪孟姬從行馬奔車裂公使駟馬立車

載姬姬命侍御者舒帷以自障而使傅母答使者曰

妾聞妃后踰闕必乘安車輜駟今立車無駟何以防

內外不敢受命使者取輜駟至乃歸

列女傳 字林 駟車有屏蔽無

後轅者謂之輜婦人乘牛車也

長公主赤罽駟車

後漢書

南岳夫人駕九蓋之駟

南岳夫人傳

李白詞銀漢女玉鍊顏雲駟往往在人間

能改齋漫錄

舊史卷八十六

三

吳文英贈道女陳華山夫人云飛駟天際

夢窗丙梟

兜子亦名兜籠巴蜀婦人所用

事物紀原

巴蜀婦人出入有兜籠文宗令胥吏商賈之妻老者

乘葦輦兜籠舁以二人

唐書

天水僊哥姿容常常但蘊藉不惡劉單年少登第聞

衆譽天水則連增所購終無難色會他日天水實有

所苦不赴召覃賄府吏李全全能制諸妓徑入曲追

天水入兜輿中至蓬頭垢面涕泗交下褰簾

觀亟

使昇回而所費已數百金矣

北里志

申王每醉即使宮妓將錦綵結一兜子昇歸寢室呼

曰醉輿

開元天寶遺事

張仲舉詞忍淚上雲兜

虬巖樂府

先是婦人猶乘輿車唐乾元以來乃用檐子咸亨中

勅云比來婦人曾不乘車別坐檐子

孔氏雜說

文昭王順聖夫人彭氏常上香報恩寺僧問夫人

何家婦女夫人以其辭之忽也遽索檐子歸

三楚新錄

皇太后皇后所乘檐子比尋常檐子稍增廣花樣皆

龍前後檐皆剪椽士庶家與貴家婚嫁亦乘檐子只

無脊上銅

東京夢華錄

欽成朱皇后檐子飾以龍鳳

東都事畧

奩史卷八六

古

南渡太后用龍輿后惟用檐子

宋史

周漢國公主下降皇后親送乘九龍檐子

南渡宮禁典儀

公主下降乘金銅檐子覆以剪椽朱紅梁脊上列繖

金銅鑄雲鳳花朵檐子約高五尺許深八尺闊四尺

內容六人四維垂繡額珠璫白藤間花匡箱之外兩

壁欄檻皆縷金花裝雕木人物神仙出隊兩竿十二

人竿前後皆綠絲條金魚鈎子勾定

東京夢華錄

五代汪華妻出入張真珠涼傘一日驟風掣傘入雲

良久墮下珠悉落後生草綴珠名真珠傘

蓬窗夜話

汀西邱坑口撥土寸許卽有珠相傳聖七姑率師至

此有珍珠傘爲敵所破當卽咒曰男拈之成水女拈之成粉至今男女得珠者誠如所傳闕小紀

欽成朱皇后繖用紅羅

東都事畧

皇后儀仗有紫方繖二紅大繖四皇妃青方繖四紅繖圓繖二東宮妃紅素圓繖二繖圓繖一親王妃紅彩畫雲鳳繖一郡王妃青方繖一紅圓繖一

明史

正統六年賜淮王也克妃涼繖

賞查考

蠻俗嫁之日新婦執彩旒傘步行

廣西通志

蠻婦人嫁則荷傘懸草履歸於夫室

尚谿織志

臺俗婦女靚粧入市以傘障面而行

臺海采風圖

奩史卷六

五

孫乞見一女戴青繖逼身紫衣遂要之其父電光照室乃是大狸乞抽刀斫之繖是荷葉

異苑

方回詩青荷葉傘茜裙紅隨母歸寧省外翁

桐江集

金闕聖君授夫人青瓊之板丹絲爲文位爲南岳夫人

人給曲晨飛蓋以遊九宮

南岳魏夫人傳

盧眉娘善作飛仙蓋以絲一縷分爲三縷染成五彩

於掌中結爲華蓋五重其中有十洲三島天人玉女

臺殿麟鳳之象而外例執幢捧節之童亦不啻千數

其蓋潤一丈秤之無數兩自煎靈香膏傳之則虬硬

不斷上嘆其功謂之神助

杜陽雜編



皇太后皇后儀仗有錦曲蓋錦花蓋

玉海

仁宗張妃怙寵欲假后蓋出遊帝使自請于后曹后與之妃喜還以告帝帝曰國家文物儀章上下有秩

汝張之而出外庭不汝置也妃不懌而罷

宋史

洋州士女出遊人持一青繒小蓋飾以茸綵直有用

珠璣編綴者

蔡文洋州詩自注

南岳夫人錦旂虎旌

真帶

皇妃儀仗有清道旂二

明史

神龜元年皇太后遣比邱惠生向西域取經太后勅

付五色百尺幡千口

洛陽伽藍記

舊史卷八十六

六

中央黃老君授夫人十絕華幡使登行上清攝真命

仙

南岳魏夫人傳

皇后儀仗有五色繡幡六皇妃有絳引幡二

明史

鏗秦制也今王妃公主通建之

中華古今注

皇太后皇后儀仗有錦六柱絳麾

玉海

徽宗冊鄭貴妃爲后后以國用未足乞罷黃麾仗小

駕鹵簿等儀

宋史

皇后儀仗有黃麾二

明史

皇后儀衛有立瓜四卧瓜四金骨朶二

明會典

皇太后皇后儀仗有玉蹬

玉海

曇陽子見善根者予以香銀牌 曇陽子傳

奩史卷八十六

七

奩史卷八十六

曇陽子見善根者予以香銀牌

東吳王初桐于陽篡述

蘭陵孫星衍淵如校刊

綺羅門

綺羅

楊素後庭伎妾曳綺羅者以千數

宛委餘編

袁術後宮數百皆服羅綺

魏志

洪武元年賜張良佐妻文綺紗羅各二疋永樂三年

賜罕賓法祖母母妻織金文紗羅各五十疋

賞賚考

傅元相逢行大婦織綺羅中婦織流黃

傅鸞觚集

舊史卷八十七

一

皇太子納妃有絳地織成綺七綵杯文綺

東宮舊事

太祖見宮人遺綺在地名諸姬至而責之

剪勝野聞

古詩咏羅敷云湘綺爲下裳紫綺爲上襦

樂府雜錄

漢武帝用紫羅薦地以待西王母

漢武內傳

趙飛燕爲皇后女弟上羅帷羅幌羅帳羅情

西京雜記

宮中有娠賜羅二百疋

武林舊事

鄭允端謝高氏姊惠素羅云雪色香羅照眼明阿兄

相贈見深情

肅雝集

永樂十三年賜寧國長公主各色羅十表裏

賞賚考

慶一娘回定之儀有宮絲公服羅一疋藉用紅玉條

紗長安客話分章漢書

皇后謁家廟後散付親屬物件有生色羅武林舊事

頒賜國王妃羅二疋一黑綠一青素瑠球使畧

廣川王幸姬陶望卿爲脩廢夫人主繒帛盡取善繒

句諸宮人漢書

獻帝新遷都宮人多亡衣服帝欲發御府繒以作之

李儼曰宮人有衣服何爲復作耶獻帝春秋

馮太后不好華飾躬御繒繒而已魏書

宋百陽居山陰有時出山爲妻買繒綵三五事好飲

酒遇醉或失之宋書

奩史卷八十七

垂拱中鄭生曉度洛橋見一艷女遂載歸號曰汜人

能誦楚詞九歌招魂九辨之書亦常擬爲怨歌其詞

艷麗生居貧汜人常出輕繒一端賣之有胡人酬以

千金一夕謂生曰我湖中蛟室之姝也謫而從君今

歲滿矣乃與生訣後十餘年生兄爲岳州刺史會上

巳日與家徒登岳陽樓望鄂渚有畫舫浮漾而來中

爲彩樓高百餘尺有彈絃鼓吹者皆繒繒蟻眉中一

人起舞含嚔怨類汜人須臾風濤崩怒遂不知所在

異聞集宣室志輕繒作絳綃

鄭舉舉者善令章巧談諧爲諸朝士所眷名賢醪宴

盡得其歡各取彩繒遺酬

北里志

魏氏王娶妃公主嫁之禮用絹百九十匹

西晉文紀

崔基寓居青州朱氏女姿容絕倫崔約女爲妾後三更忽聞扣門崔披衣出迎女嗚咽云適得暴疾喪亡忻愛永奪于懷中抽二疋與崔曰近自織此絹欲爲君作單衫未得裁縫今以贈離崔以錦八尺答之女取錦倏然而滅至旦告其父父曰女昨夜忽然病亡崔曰君家絹疋無零失耶答曰女舊織餘絹兩疋女亡婦出絹欲裁爲送終衣轉盼失之

述異記

朱氏寡婦病死復蘇云被執至一所見府吏言汝前

奩奩卷八七

三

生負我家絹若干匹今放汝歸急至某處送還我母及送還其母具言其兒狀貌悉同

冥報拾遺

宋太祖賜蜀太后李氏絹十匹

十國春秋

蘇小小錢塘名娼也容色俊麗頗工詩詞其姊名盼奴與太學生趙不敏相洽不敏貧盼奴周給之使篤于業遂提南省得官授襄陽府司戶盼奴未能落籍不得偕行不敏赴官三載想成疾而卒有祿俸餘資屬其弟趙院判送盼奴爲言盼奴有妹小小可謀致之佳偶也院判如言至錢塘托錢塘倅名盼奴領其物倅爲名之有蒼頭至云盼奴於一月前已抱病歿

小小亦爲於潛官絹事繫獄倅遂呼小小出詰之小  
小曰於潛官絹此亡姊盼奴之事倅因問汝識襄陽  
趙司戶耶小小曰趙司戶未仕之日姊盼奴周給後  
中科授官去久盼奴想念因是致疾而卒倅曰趙司  
戶亦謝世矣遣人附一緘及餘物外有伊弟院判一  
緘付爾開之小小自謂不識院判何人及拆書惟一  
詩曰昔時名妓鎮東吳不戀黃金只好書借問錢塘  
蘇小小風流還似大蘇無小小默然倅命和之援筆  
立成云君住襄江妾住吳無情人寄有情書當時若  
也來相訪還有於潛絹事無倅大喜盡以所寄與之

奩史卷八七

四

力爲作主命小小歸院判偕老焉

武林紀事 七修類稿曰小小一本

作小娟蓋抄之者之誤緣武林紀事無刻本也

宮中有娠賜絹一千六百疋釘設產閣

武林舊事

安南國進皇后方物有五色細絹五十疋

天南行記

永樂八年賜寧國長公主綵絹三百疋

弁山堂別集

張江陵奉母入京上賜江陵母裏絹四疋

明逸編

正統九年賜可汗妃綵絹三十二疋

賞齋考

大和中蕭曠遊洛夜憇雙美亭月下取琴彈之俄有

一美人至曰洛浦神女也適聞君琴韻清雅願一聽

之乃彈別鶴操神女嘆美焉俄有一青衣引一女曰

織綃娘子至矣神女曰洛浦龍君之愛女善織綃于水府適令召之耳遂命雙鬟持茵席具酒殽而至傳觴叙語情况昵洽蘭艷動人若左瓊枝而右玉樹繼綵永夕咸暢其懷將曉神女出明珠翠羽二物贈曠曰此乃陳思王賦所云或拾明珠或拾翠羽者也龍女出輕綃一疋贈曠曰若有胡人購之非萬金不可贈訖超然躡虛而去

洛神傳

貞元中鄭德璘舟泊江夏旁有醜賈韋生乘巨舟抵湘潭其夜與隣舟告別飲酒韋生有女居于舟之柁檣隣舟女亦來訪別二女同處笑語夜將半聞江中

奩奩卷七

五

有秀才吟詩者隣舟女善筆札因觀韋氏妝奩中有紅牋一幅取而題所聞之句哦吟良久及曉東西而去德璘舟與韋氏舟同離鄂渚信宿至洞庭畔復與韋生舟相近韋氏女美而艷日暮于水窻垂釣德璘窺見之甚悅遂以紅綃一尺題詩于上彊惹其鈎女收取之然不工刀札恥無所報遂以夜來隣女所題紅牋者投之德璘謂女所製甚喜然無計遂其款曲韋舟遠張帆而去風勢將緊德璘小舟不敢發俄有漁人語德璘曰向者賈客巨舟全家沒於洞庭矣德璘悲惋作弔江妹詩酌而投之至誠感應遂有水神

持詣水府府君覽之召溺者數輩曰誰是鄭生所愛  
有主者搜韋氏臂見紅綃語府君府君卽使主者攜  
韋氏送鄭生時已三更德璘有物觸舟秉炬拯之乃  
韋氏也繫臂紅綃尙在德璘喜且駭良久女蘇息乃  
說府君感君而活我命德璘遂納爲室 古今小說

汾州妓張慧玉年十五色藝雙絕工小詩巧伺人意  
與雷笏山定情臨別出紅綃半縷賦詩相贈所書小  
楷學衛夫人 本事詩

曹植洛神賦曳霧綃之輕裙 陳思王集

張建章往渤海風濤遇仙女于島遣一鮫綃軸之如

奮史卷八七

六

簪夏月展之則滿室凜然 北夢瑣言

嫖女握兵符者得曳蝶綃冰蠶所緝織作蝶紋輕逾

火浣服之避暑 赤雅

楊汝士開宴營妓咸集人與紅綾一疋 北里志

寇萊公有妾曰蒨桃公因高會贈歌姬以束綾蒨桃

作詩呈公曰一曲清歌一束綾美人猶自意嫌輕不

知織女蠶窻下幾度拋梭織得成 翰苑名談

霍光妻遺淳于衍散花綾二十五疋綾出巨鹿陳寶

光家寶光妻傳其法霍顯名入其第使作之織用一

百二十鐻六十日成一疋 西京雜記



越溪進耀光綾帝以賜司花女泊絳仙隋遺錄

女王國貢龍油綾文彩尤異入水不濡溼云有龍油

故也杜陽雜記

拂林國婦人皆衣胡綾紺文雜錦海國聞見錄

安南國進皇后方物狀有五色綾一百疋天南行記

永樂十五年賜寧國長公主綵緞三十疋弇山堂別集

正統四年賜可汗妃織金獅子白澤虎豹麒麟采雲

細花等段十六疋賞齋考

安南國進皇后方物狀有西洋國黃毛段子二疋天

絲緞子三疋天南行記

舊史卷八七

七

宋寧宗宮人積梅雨水以二蠶蠶繰絲織紬有自然

碧色名曰松陰色紫桃軒雜綴

世祖宏吉刺后率宮人親執女工拘舊弓絃練之緝

為紬以為衣鞞密比綾綺元史

神女賦動霧縠以徐步注云縠細如霧揚子法言霧

縠之麗女工之蠹學林就正

光穆皇后鍾氏不事玩好副筭大練淡如也南唐書

寧國長公主生辰賜紗五百綻弇山堂別集

仁聖太后賜張江陵母彩衣紗六疋明逸編

泉女織紗輕如蟬翼名蟬紗韻學事類

元稹詩紅羅著歷逐時新杏子花紗嫩麴塵元氏長慶集

劉子翬汴京紀事詩機女猶挑韻字紗屏山先生集

楊后宮詞內家衫子新番出淺色新裁艾虎紗不詳

王建宮詞嫌羅不著愛輕容唐類苑云輕容無花薄

紗也蓋冷銀條紗之類丹鉛總錄

李羸遇神女遺以匹素後胡人以三百萬易之曰此

龍領髻所織三十小却方斷一絲楊氏六帖

永樂八年賜寧國長公主素二十四疋大紅四疋深

青四疋紅三疋翠藍四疋明綠五疋出爐銀紅四疋

賞齋考

奩史卷八七

焦仲卿妻十三能織素玉臺新詠

班婕妤詩新製齊紈素皎潔如霜雪萬寶詩山

焦仲卿妻腰著流紈素玉臺新詠

沈休文雨夜齋中獨坐風開竹扉有一女子攜絡絲

具入門便坐風飄細雨如絲女隨風引絡絡繹不斷

斷時亦就且續之若真絲焉燭未及跋得數兩起贈

沈曰此謂冰絲贈君造以為冰紈忽不見沈後織成

紈鮮潔明淨不異于冰製扇當夏日甫攜在手不搖

而自涼柳娘記

獻帝敗走六宮皆步行出營后手持縑數疋董承奪

之殺傍侍者血濺后衣

華矯後漢書

程偉妻能通神變化偉當從出無衣甚愁妻卽爲致  
兩縑得以爲衣

謝承後漢書

桓譚新論作兩疋縑

文明太后賜楊津縑百疋

後魏書

嚴蓋字幼芳天台營妓唐仲友守台日嘗命蓋賦紅  
白桃花蓋應聲成如夢令云道是梨花不是道是杏  
花不是白白與紅紅別有東風情味曾記曾記人在  
武陵微醉仲友悅賜以雙縑

妝笈新鹽

後周以梟紵爲衫貴女功始也

續事始

頒賜國王妃有紵絲二疋黑綠花一疋深青素一疋

### 奩史卷八七

九

陳侃琉球使畧

永樂八年賜寧國長公主紵絲五十匹

賞賚考

仁聖太后賜張江陵母紵絲六表裏

弁山堂別集

唐元宗時柳婕妤妹適趙氏性巧使雕工鏤板爲雜  
花打爲夾縷初獻皇后一疋代宗賞之勅宮中依樣  
製造

潘氏紀聞譚

柳婕妤始製夾縷

事物紀原

薛濤詩夾縷籠裙繡地衣

洪度集

杜牧在湖州見一女奇色贈羅縷一篋爲質後十四  
載刺湖州此女適人已三載有子二人矣因贈詩云

自是爭春去較遲不須惆悵怨芳時狂風落盡深紅色綠葉成陰子滿枝

漢唐秘史

婦人衣青碧纈

唐書

魚子纈水波紗言婦女衣服之美段成式詩醉袂幾

侵魚子纈

海錄碎事

宮中有娠賜碼襪纈一疋

武林舊事

慶一娘回定之儀有開合鎖金纈一匹藉用紅玉文

虎紗

長安客話

景初中賜倭女王絲百疋禱絳五十疋紺青五十疋

魏志

奩史卷八七

十

薛瑤英于七月七日令諸婢共剪輕綵作連理花千餘朵以陽起石染之當午散于庭中隨風而上徧空中如五色雲霞久之方沒謂之渡河吉慶花籍以乞

巧

致虛閣雜俎

宋內職官有綵製帥

宋書

天后賜王方慶雜綵六十段并瑞錦等物

唐書

五月五日集五綵繒謂之辟兵伏君曰青赤白黑爲

之四面黃居中央名曰襪方綴之于複以示婦人養

蠶之工也傳聲者誤以爲辟兵

裴元新言

姜廉入神祠觀捧印女子塑容端麗有惑志焉戲解

手帕繫其臂爲定方歸卽被疾忽聞外間呵殿聲一  
女子絕色自簫出上堂拜姜母曰妾與郎君有嘉約  
願得一見姜聞欣然而起妻時引避女請曰不可以  
我故間汝夫婦之情妻亦相拊接懽如姊妹女事姑  
甚謹值端午節一夕製綵絲百副盡餉族黨其人物  
花卉字畫點綴歷歷可數自是皆以仙姑稱之居無  
何與姑言新婦有大厄乞暫適他所避之再拜出門  
遂不見頃之一道士來曰此女劍仙也先與一人網  
繆遽舍而從汝以故欲殺汝二人我來救汝耳因令  
姜就榻堅卧久之刀劍擊憂之聲不絕忽有一髑髏

墜榻下道士出藥滲之化爲水道士去女卽來同室

如初

劍俠傳

正統四年賜可汗妃綵幣十表裏

賞賚考

慶一娘回定之儀有開合利市綵一匹藉用紅玉文

虎紗

長安客話

汲太子妻李氏與夫書曰并致納一端

北堂書鈔

天子見西王母獻組百純西王母再拜受之

穆天子傳

錦繡西施造

事始

王彥伯秉燭理琴見一女取琴調之遲明女取錦繡

贈別彥伯以玉琴答之而去

誠齋雜記

穆王持白珪重錦以為王母壽

西王母傳

盛姬之喪天子使嬖人贈用文錦

穆天子傳

梁元帝有為妾夏玉豐謝東宮賚錦啟

續補侍見小名錄

南詔婦人貴者綾錦裙襦上施錦一副

唐書

右里班卒國女被短髮假錦纏頭紅油布繫身

島衣志

宋太祖賜蜀太后李氏錦綺千匹

十國春秋

仁宗初賜寧國長公主錦六疋

弇山堂別集

樂府有美人聯錦篇

詞品

霍光妻遺淳于衍蒲桃錦二十四疋

西京雜記

開平三年阿保機母妻各進雲霞錦一疋

冊府元龜

壹史卷六十七

三

明霞錦光耀芬馥唐宮中貴之

坦齋通編

女王國有魚油錦入水不濡以有魚油故也

杜陽雜編

吳趙達之妹巧妙無雙能于指間以彩絲為雲龍蚪

鳳之錦大則盈尺小則方寸

拾遺記

景初中賜倭女王絳地交龍錦五疋紺地勾文錦三

疋

魏志

后始加大號婕妤上二十六物使侍兒郭語瓊拜上

內有鴛鴦萬金錦一疋

飛燕外集

樊嬖既進合德帝立賜嬖鮫文萬金錦二十四疋

飛燕傳

外傳

張貴妃以近上元令織異色錦文彥博遂令工人織  
金線燈籠爲錦紋貴妃衣之明年上元日中官有詩  
曰無人更進燈籠錦紅粉宮中憶佞臣

碧雲駢

宋仁宗張貴妃侍上元宴有燈籠錦上怪問曰文彥  
博所獻上不樂

言行錄

慶一娘回定之儀有畫眉五色錦一匹藉用紅玉條

紗

長安客話

倭國婦人服飾有扇子錦

戒菴漫筆

拂林國婦人皆服珠錦

杜環經行記

安南國進皇后方物狀有蠻錦一百疋

天南行記

奩史卷八七

三

蕭統詩大婦成貝錦中婦飾粉紉

梁昭明集

和凝詞鶯錦蟬紗覆麝臍

紅葉稿

唐禁中老宮人每引泉先於池底鋪錦王建宮詞云  
只今池底休鋪錦綾角鷄頭積漸多

李石開城錄

皇太子納妃有碧紗座鞋半繡一

東宮舊事

石崇後房數百皆曳紈綉珥金翠絲竹盡一時之選

續文章志

定州織刻絲婦人一衣終歲方就

蓼花洲閒錄

蘭香降張碩家與碩織成袴衫

杜蘭香傳

高柔婦與柔書曰今奉織成祿一量

太平御覽

茫蠻婦人披五色婆羅

蠻書

周憲王元宮詞剪絨緞子御前分

誠齋新錄

唐童謠曰天上女兒鋪白氍

集異記

羌女人披大華氍以為盛服

廣志

奇蠻貴家女常披氍

蠻書

安定公主嫁回鶻來歸詔使勞問以黠憂所獻白貂

皮賜之

唐書

須女四星主布帛

春秋元命包

靈太后幸左藏公主嬪女已下從者百餘人皆令任

力負布絹卽以賜之

魏書

舊史卷八七

衛人有妻禱而祝曰使我無故得百束布其夫曰何

少也妻曰益則子將取妾

韓子

郢大夫江乙母亡布謁楚王曰令尹使人盜之王驚

問故母曰昔孫叔敖為令尹道不拾遺今令尹之治

盜賊公行故使盜得盜妾布與使人盜何異

女世說

馬太后左右但著布無薰香之飾

後漢書

安南國進皇后方物狀有闍婆國布十疋

天南行記

宮中有娠賜銀絹等物內有瀘藥布二條金漆箱兒

金鈕地黃汗布二條

武林舊事

頒賜國王妃白氍絲布十疋

琉球使畧



永樂十三年賜寧國長公主各色毯絲布五疋各色

將樂布十疋高麗布十疋

琉球使畧

越王使越婦女入山採葛作黃絲之布以獻吳王采

葛婦傷越王用心之苦乃作若何之歌

吳越春秋

蛾眉縣出符文布女績藤爲之

石湖居士集

公主歲祿未受封者歲支夏布三十疋木棉布三十

疋親王女未封者歲支夏布木棉布減公主未封之

半

弁山堂別集

杜薄國女子作白疊華布

唐書

越草布也後漢馬后傳白越三千端潛夫論葛子升

舊史卷八十七

五

越筒中女布盛宏之荊州記秭歸縣室多幽閒其女

盡織布至數十升謂之升越

丹鉛總錄

明帝出諸貴人當徙居南宮馬太后感析別之懷賜

越白三千端雜白二千疋

後漢書

宋內職官有後宮穀帛帥後宮穀帛治職後宮穀帛

內史

宋書

有一燒餉郭祖深早青瓜祖深報以疋帛

梁書

莊穆夫人吳氏常遊奉國寺王命載帛百縑以備散

施夫人曰妾備嘗機杼之勞遽以遊賞靡費非恤民

之道遂不受

吳越備史

金陵宮人接薔薇水染生帛一夕忘收爲濃露所漬  
色倍鮮翠

楊文公談苑

同昌公主下降韋氏一日大會韋氏之族玉饌俱列  
暑氣將盛公主命取澄水帛以水薰之掛于南軒良  
久滿座皆思挾纈澄水帛長八九尺似布而細明薄  
可鑒云其中有龍涎故消暑毒也

杜陽雜編

宋仁宗詔禁女子不得衣白褐毛段并黔褐帛

文獻通考

袁術求呂布女及布爲曹所攻乃以綿纏女身縛著  
馬上夜自送女出與術求救

英雄記

曹操夫人與楊彪夫人書送房子官綿百斤

困學紀聞

### 奮史卷六十七

六

公主歲祿未受封者歲支綿二百兩親王女未封者  
歲支綿減公主未封之半

弇山堂別集

同昌公主有火蠶綿云得之炎洲絮衣一襲用一兩  
稍過度則焯蒸之氣不可近

杜陽雜編

永樂十三年賜寧國長公主兜羅綿十牀

弇山堂別集

薄太后以冒絮提文帝

史記

皇后以親蠶絲絮作巾絮

漢舊儀

吳隱之妻爲太守妻冬月無被欲澣衣則被絮

晉書

禮女始行服纁纁絳也

蔡邕女誡

端午賜后妃諸閣紫練白葛紅蕉之類

乾淳歲時記

李後主內人染碧夕露中庭爲露所染其色特好名

天水碧 五朝故事 乘異記後主宮人競服碧衣取  
詭花盛天雨澄水染之号天水碧

正統十四年賜可汗妃暗八寶天花柏枝綠二匹素

栢枝綠二匹暗八寶天花雲紅二匹 賞齋考

今人染弗肯紅名玉色非也當名肉色耳唐詩粉光

深紫膩肉色退紅嬌退紅卽今之粉紅也宜婦女服

甕漏閒評

奩史卷八十七

奩史卷八十七

東吳王初桐于陽簪述

樂陵宋之璠盤涯校刊

珠寶門一

珠玉

禹母有莘氏曰修已含珠孕禹

蜀王本紀

昭靈后名含始遊于洛池有玉鷄銜珠刻曰吞此者

王含始吞之而孕生漢高祖

帝王世紀

李敬遷趙相其奴于鼠穴中得繫珠及瑯珉以問主

簿對曰前相夫人常亡珠不知所在疑其子婦竊之

奩史卷八十八

一

因去婦敬送珠付前相前相還去婦

謝承後漢書

珠崖令卒官妻息送喪還漢法內珠入關者死妻棄

其繫臂珠前妻子初年九歲好而取之置其母鏡奩

中至關吏搜索得珠劾問誰當坐者前妻子初曰我

當坐繼母曰兒不知也妾當坐初又曰夫人良初之

孤欲以活初耳因號泣傍人莫不酸鼻隕涕吏執筆

不能就一字乃棄珠遣之

列女傳

梁冀守藏婢盜白珠紫金

梁冀別傳

許遜母夢金鳳銜珠墜于掌中吞之有娠生遜

史纂

石崇屑沉水之香如塵末布象牀上使所愛者踐之

無迹者賜珠百琲有迹者節其飲食令身輕弱故聞  
中相戲曰爾非骨細軀軀那得百琲眞珠

拾遺記

梁元帝母阮修容曾失一珠元帝時絕幼吞之謂是  
左右所盜乃炙魚眼以厭之信宿之間珠從便出元

帝一目致眇

靈應傳

有貨珠子老媪攜珠子至李郡君家既去遺珠子在  
地郡君收之一日媪至精神恍惚詰之曰向所貨珠  
子歸則失去因憂愁感疾郡君曰珠子當時遺在地  
我得之今在此媪驚喜涕下願致金六兩以請郡君  
取還之金不受也後微疾夢至大官府有二偉人坐

舊唐書卷六十九

二

堂上一吏持大簿書至案偉人曰記得還珠子事否  
婦人而不愛珠寶此可尚也展壽二十年俾人送還  
驚悟而起後二十年乃卒

隨手雜錄

壽聖皇太后生辰小劉婉容進自製十色菊千秋歲  
曲破內人瓊瓊柔柔對舞上于閣子庫支賜五兩數

珠子一號

西湖遊覽志餘

沈偕遊京師欲訪蔡奴時蔡奴聲價甲于都下沈乃  
呼賣珠人于其門首茶肆中議價再三不售撒其珠  
于屋上賣珠者窘甚沈笑曰第隨我來依汝所索還  
錢蔡于簾中窺見令取視之珠也大驚惟恐其不來

後數日乃詣之其家喜相報曰前日撒珠耶至矣接  
之甚至

齊東野語

汪某娶婦甫一月卽行賈婦刺繡易食以其餘積歲  
置一珠用綵絲繫焉曰紀珠夫歸婦沒已三載啟篋  
得珠已積二十餘顆矣

徐事集

梅妃素有寵因楊貴妃得幸遂遷上陽宮一日上在  
花萼樓封珍珠一斛密賜妃妃不受以詩進御曰柳  
葉雙眉久不描殘妝和淚汚紅綃長門盡日無梳洗  
何必珍珠慰寂寥明皇令樂府以新聲度之號一斛  
珠

梅妃傳

奮史卷八八

三

慶歷中有蕃商死珍珠沒官上命取禁中錢易之以  
賜張貴妃因此同輩有于上前乞旨和買于京師珠  
價騰踊上知之一日內殿賞牡丹張貴妃後至以所  
賜珍珠爲首飾欲誇同輩上望見以袖掩面曰滿頭  
白紛紛更沒忌諱貴妃慙赧遽起易之上乃大悅合  
人各簪牡丹二朵自是禁中不帶珍珠珠價大減

元城

先生語錄

陳荷嬖陳子高其女從窗隙窺之感想形於夢寐遂  
與侍婢謀通焉嘗盜其母珠寶與之價值萬計贈以  
詩扇子高恃寵漸與人語自是遠近播揚

吳興志

綠珠姓梁氏白州人石崇以真珠三斛致之

綠珠傳

望蠻婦人聯珂貝巴齒真珠斜絡其身

南夷志

安南國進皇后方物狀有金懸珥結真珠一雙真珠

二百七十六顆大二中四小七十如蠶石樣二百玳

瑁蓋一口色珠十六顆黃泥珠四紫尼珠四碧尼珠

四石榴珠四

天南行記

樂史母夢異人令吞五色珠而生

東都事畧

倭國女王獻真白珠五十孔青大勾珠二枚

魏志

震蒙氏女竊黃帝元珠汎江而死爲江瀆神

蜀檣枕

霍光妻遺淳于衍走珠一琲

西京雜記

舊史卷八八

四

盜發堯女塚獲一大珠并玉盃人不能計其直餘寶

器極多世莫之識也

尚書故實

和熹鄧太后時新遭大憂法禁未設宮中亡大珠一

僣主名不立太后乃親自臨見宮人察其顏色開示

恩信宮人盜者卽時首服

東觀漢記

昌樂縣君劉氏魏壽之夫人也壽爲獄掾里豪有獄

囚乳醫獻大珠數萬夫人不取遂絕醫

後山集

狄氏者京師貴家女所嫁亦貴家明艷絕世名動一

時都城婦女至相忿詆輒曰若美如狄夫人耶乃相

凌我有滕生者因其出遊見之駭慕喪魂鬼歸悒悒

不聊生訪狄氏所厚善者或曰尼慧澄與之習生過  
尼厚遺之尼愧謝問故生以狄氏告尼難之曰此豈  
可動耶生曰然則有所好乎曰惟旬日前屬我求珠  
頗急生大喜卽索馬馳去俄懷大珠二囊示尼曰直  
二萬緡尼曰其夫方使北豈能遽辦如許償耶生曰  
但可動不願一錢也尼乃持詣狄氏果大喜玩不已  
問須直幾何尼以二萬緡告狄氏曰我未能辦奈何  
尼因屏人曰不必錢此一官欲祝事耳狄氏曰何事  
曰雪中央耳夫人兄弟夫族皆可爲也狄氏徐思之  
曰我爲營之良易尼曰事有難言者二萬緡物付一

禿媼而主客不相問使彼何以爲信狄氏曰奈何尼  
曰夫人以設齋來院中使彼若邂逅者可乎狄氏赧  
面搖手曰不可尼曰非有他但欲言雪官事使彼無  
疑耳狄氏乃徐曰後二日我亡兄忌日可往然立語  
亟遣之曰固也及期尼爲治齋具而生匿小室中具  
酒殺俟之哺時狄氏嚴飾而至屏從者獨攜一小侍  
兒見尼曰其人來乎曰來也頃祝畢尼使童子主侍  
兒引狄氏至小室牽簾見生及飲具大驚欲避去生  
出拜狄氏答拜尼曰郎君欲以一卮爲夫人壽願勿  
辭生固願秀狄氏頗心動睽而笑曰有事第言之尼



固挽使坐生持酒勸之狄氏不能却爲酌卮卽持酒  
酬生生因徙坐擁狄氏曰爲子且死不意果得子擁  
之卽帷中狄氏亦歡然恨相見之晚也此夜散去猶  
徘徊顧生挈其手曰非今日幾虛作一世人夜當與  
子會自是夜輒開垣門召生無闕夕所以奉生者靡  
不至惟恐絲毫不當其意也數月狄氏夫歸生小人  
也陰計已得狄氏不能棄重賄伺其夫與客坐遣僕  
入白曰某官嘗以珠直二萬緡賣第中久未得直且  
訟于官夫謬貽入詰狄氏語塞曰然夫督取還之生  
得珠復遣尼謝狄氏我安得此貸于親戚以動子耳

畜史卷六

六

狄氏雖悲甚終不能忘生夫出輒召與通逾年夫覺

聞之嚴狄氏以念生病死

清樽錄

李惜兒京師名娼也景帝愛幸召入寘宮中賞賜其  
家鉅萬及唐皇復辟惜兒死于獄籍其家大珠如茨  
子者百八粒他物稱是

稗史彙編

有婦人夜漚麻於大水盎中忽見一物來入盎中飲  
水其身透明如月婦細視之乃一白蜘蛛其大如五  
斗栲栳婦以大鷄籠罩之割其腹得一珠如彈丸大

照明一室

癸辛雜識

漢女所弄珠如荆鷄卵

韓詩外集

吳王夫差小女紫玉悅童子韓重欲嫁之王不許玉結氣死葬閭門外重遊學歸感其意乃具帛幣弔墓前玉魂出見延頸而歌曰南山有烏北山張羅烏旣高飛羅將奈何意欲從君讒言孔多悲結生疹沒命黃壚命之不造寃如之何羽族之長名爲鳳凰一日夫雄三年感傷雖有衆鳥不爲匹雙故見鄙姿逢君輝光身遠心近何當暫忘歌畢要重還冢讌三日夜盡夫婦之禮臨出取徑寸明珠以送重重旣出遂詣王自說其事王大怒趣收重重脫走至玉墓所訴之王卽見王請勿治重王大驚愕夫人聞之出而抱之

奩史卷八

七

玉如煙然

吳女紫玉傳

葛可久多幻戲其妻欲赴貴家飲患無珍奇服曰閉門勿通問吾爲若料理之居密室三日則持徑寸珠百八粒而出佩項上而往諸女伴爭奇鬥珍一見葛氏姥不覺心折

稗史彙編

朱仲者會稽市販珠人也高后時獻三寸珠魯元公主私以七白金從仲求珠仲獻四寸之珠

列女傳

突厥與中國交市有明珠一篋價值八百萬或白文獻獨孤皇后市之后曰非我所須也未若以八百萬賞將士有功者

隋書

煬帝命宮女灑明珠于龍舟上以擬雨雹之聲

隋遺錄

吳絳仙有夜明珠赤如丹砂恒繫於蓮花帶上著胸

前夜行他人遠望但見赤光如初日輪不辨人也

紅女

餘志

鮫人之淚圓者成明珠長者成玉筋

記事珠

元宗武惠妃窗上皆掛明光之珠

女紅餘志

一士人娶得陳宮人夜注火則惡煤氣士人易以蠟

復惡其影蕩人士人因詰之汝後宮何以照夜宮人

曰惟室中懸珠一顆耳

南部煙花記

唐太宗盛飾宮掖明燃燈燭延蕭后同觀謂曰朕施

奩史卷八

八

設孰與隋主后笑而不答固問之對曰每至除夜殿

前諸院設火山數十盞沉香木根每一山焚沉香數

車以甲煎沃之焰起數丈香聞數十里房中不然膏

火懸寶珠一百二十照之今陛下殿前所焚是柴木

殿內所懸是膏油但覺煙薰耳

女世說

王師伐江南大將獲李後主寵姬夜見燈閉目云煙

氣易以燭亦閉目云煙氣愈甚曰然則宮中未嘗點

燭耶云宮中本闕每至夜則懸大寶珠光照一室如

日中也

王銍默記

后始加大號婕妤上二十六物使侍兒郭語瓊拜上

內有枕前不夜珠一枚

西京雜記

真臘國獻萬年蛤不夜珠光彩皆若月照人無妍醜皆美艷帝以蛤賜后以珠賜婕妤后以蛤妝玉成金霞帳帳中常若滿月久之帝謂婕妤曰吾晝視后不若夜視之美每旦令人忽忽如有所失婕妤聞之卽以珠號爲枕前不夜珠爲后壽

飛燕外傳

貴妃宮中設上清珠光明潔白可照一室視之則出

仙人玉女雲鶴絳節之象搖動于其中

杜陽雜編

郎玉嗜酒而家赤貧遇仙女于嵩山中投以一珠曰此醉龍珠也諸龍含之以代酒味踰下若玉甫視珠

奩史卷六

九

而女忽不見矣

致虛閣雜俎

成武丁進沙摩掩日珠懸之中庭一庭日色寒於夜月一小宮人愛眠當晝起拭目曰如何夜半烏啼如此喚人醒也帝聞之大笑

異聞錄

履水珠持以入水則步驟波上如平地長慶中嬪御

試弄于海池上忽化爲黑龍入于池內

杜陽雜編

西王母獻穆王雲澤之珠病者含之應時而愈

道簫

漳州范某妻夜起見地上紅光亂滾遂摸得所戴冠子蓋之取火視乃一大珠藏之粧匣匣惟一簪明日啟視得簪無算簪竟而珠現其色紅光彩爛爍大驚

喜意其爲聚寶珠也因試以銀錢等物無不皆然然  
須妻試之始驗若夫則否妻亦須至夜始驗若日間  
則否故其妻製錦囊珠日則佩之夜則寘妝匣中不  
二年遂成巨富後其媳爲姑浣衣入沸水中失解佩  
珠珠遂失光試之竟不驗矣

曠園雜誌

白厚娶劉純材女厚送烏瑙十事純材答以象田珠

十升厚大慚

耕桑偶記

周憲王元宮詞賜得西洋塔納珠

誠齋新錄

廣東老媪剖巨蚌得大珠藏之絮中夜輒飛去及時  
復還媪懼去以大釜煮之至夜有光燭天隣里驚爲

### 奩史卷八

十

火也競赴之光自釜中出乃珠也其大如彈丸中有  
北斗七星隱然而見煮之半枯矣

聞見雜錄

袁博女得壞牆中瑙珠百餘

吳錄

焦生從烏桓贖李娥爲妻瑙珠二雙珠三斗

王明雜事

王章死妻子徙合浦以採珠致產數百萬

漢世說

東海龍王第七女掌龍王珠藏小龍千數護衛此珠  
其洞穴在震澤洞庭山南梁武帝以問燕公公曰龍  
畏蠟愛美玉及空青而嗜燕若遣使通信可得寶珠  
帝聞大喜使羅子春以蠟塗身齋燒燕五百枚美玉  
三函空青三函入洞穴小龍聞蠟氣伏不敢動乃以

燒燕獻龍女龍女食之大嘉又上玉函青函具陳帝旨龍女因以大珠三小珠七雜珠一石以報帝命子春乘龍載珠還國帝得珠以示肅公公曰三珠其一

是天帝如意珠之下者其二是驪龍珠之中者七珠

二是蟲珠五是海蚌珠人間之上者雜珠是蚌蛤等

珠也

龍女傳

麻姑見蔡經母及經弟婦弟婦新產麻姑望見之曰

神仙傳

元宗嘗欲真珠數升耿先生曰易致耳取小麥淘洗以銀釜炒之食項勻圓成珠

南唐近事

### 奩史卷八

七

西藏婦女帶密蠟珠有大如盞者

衛藏圖識

明皇賜虢國夫人照夜璣蓋希代之珍

太真外集

貴妃及諸姨從幸華清宮瑟瑟珠璣狼藉于道

唐書

虢國夫人造中堂旣成授匠二百萬復以金盃二瑟瑟

三斗爲賞

明皇雜錄

于闐國婦人戴瑟瑟珠一珠可易一良馬

五代史

曹植美女篇明珠交玉體珊瑚間木難注引南越志

云木難金翅鳥沫所成碧色珠也大秦珍之

文選注

李愿姬女寶脫繩恒貫莫難珠

女紅餘志

漢元封中鬱林郡獻珊瑚婦人帝命植于殿前謂之

女珊瑚 述異志

漢成帝為趙飛燕造服湯殿綠琉璃為戶 漢武故事

唐末婦女尚琉璃釵釧流離播遷之兆 五行志

咸淳末婦女悉以琉璃代玉民謠曰滿頭多是假無處不琉璃假謂賈似道琉璃謂流離也 佩韋齋輯聞

桀伐岷山岷山獻二美女桀愛之刻其名于苔華之玉 燉煌紀年

趙昭儀有四玉鎮皆達照無瑕缺 西京雜記

石季倫愛婢翔風妙別玉聲知其出處言西方北方玉聲沉重而性溫潤佩服者益人性靈東方南方玉

奩史卷八

三

聲輕潔而性清涼佩服者利人精神 拾遺記

魏孝武帝有二玉鉢相盛可轉而不可出西域鬼作

奇寶也後元韶娶后奇寶隨后入韶家 春風堂隨筆

崔珏母夢仙童擎一盒曰帝賜盒中物令汝吞之啟

盒是二枚美玉取吞之覺而有娠 列仙傳

同昌公主帶如意玉上有七孔通明之象也 杜陽雜編

吳宮夜讀有少孀乘月奔之宮峻拒次日令婢持雙

玉魚來贈宮厲聲責之婢慚而退 迂論

南宋宮人有寒光水玉魚係楊太真潤肺物 談薈

天后嘗召諸皇孫觀其嬉戲出玉環釧杯盤縱令爭

取獨上端坐不動后大奇之撫其背曰此兒當爲太  
平天子因命取玉龍子以賜玉龍子太宗于晉陽宮  
得之文德皇后常置之衣箱中

明皇雜錄

沈攸之愛妾馮月華臂上玉馬穿以絲繩卧輒置枕  
下夜或失之旦則如故視其蹄必有泥跡

洛宮故事

玉女洗頭盆內有玉女馬一匹

真誥

李輔國有香玉辟邪爲怪不已輔國惡而碎之輔國  
嬖妾慕容宮人知異常物隱屑二合其香可聞數百  
步雖鎖之金函石匱終不能掩其氣或以衣裾拂之  
芬馥經年縱澣濯數四亦不消歇

說郭

僊史卷八

三

徐中寶婦見白氣斜飛中若有物以手攫之得玉蛺  
蝶一枚製作精工

江表志

盛生好游青樓一日閒行某庵庵中老尼生所善也  
見生至笑生曰兩日作何好夢令汝快活死生間故  
尼曰五日後可蚤來幸秘勿洩生唯唯至日生至則  
鳴鼓禮佛號僧尼麁聚幾無容足處生不知其意稍  
坐卽趨出尼曰且吃齋去挽入一小堂桌上明燭酒  
殺豐美令生坐扃門而出生遍視室中設四榻茵褥  
帷帳悉豪家物每榻蒸一爐香氣郁然帳內先有三  
少年各卧一榻見生來亦不驚異生坐更餘聞笑語



啟鑰尼秉燭引四婦人來皆冶妝澹服見生而笑生却避不敢前尼引生袖付一少婦三少年亦自帳內出婦人各攜其一就坐酌酒浪謔歡洽尼起諸婦各擁少年入帳盛生所主最少尤妖艷淫蕩已極四鼓尼開帳進卮酒門外輿從雜沓燈火繽紛各起整妝少婦贈生金合子玉鴛鴦惜別登輿而去生偃息至曉歸家竟不知誰家眷屬也

桐下所然

李龜溪之子娶韓平原之女奩具中有白玉香獅子高二尺五寸精妙無比

癸辛雜識

西王母云元昌城玉女夜出玉光如火

漢武內傳

### 奩史卷八

十四

玉之精名委然狀如美女夜見美女秉燭入石石中有玉也以桃戈刺之而呼其名卽得之

地鏡圖

江巖採藥清泉山遙見一美女紫衣獨踞石而歌有碣石之音巖往未及數十步輒失女處惟見所踞石耳如此數日巖乃擊破石遂從石中得一紫玉廣長一尺後不復見女

錄異傳

西王母上藥有赤河絳璧

漢武內傳

武帝賜王夫人璧

漢書

吳王有女勝玉自殺葬于閭門外文石爲椁金鼎玉杯銀樽珠襦之寶皆以送女

吳越春秋

高德正除冀州刺史其妻出寶物滿四床

北齊書

開元中李氏女子爲尼名真如七月七日有五色雲自東方來雲中有人引手授一囊有寶五段及肅宗元年真如忽見皂衣二人引去東南至一城見天帝復授以八寶八寶一曰如意寶珠二曰紅靺鞨三曰琅玕珠四曰玉印五曰皇后採桑鈎二枚六曰雷公石二枚其五寶一曰元黃天符二曰玉鷄三曰穀璧四曰王母玉環二枚

鄭輅得寶記

張江陵奉母入京上賜江陵母銀八寶一百兩慈聖太后賜江陵銀八寶五十兩

弁山堂別集

舊史卷八十八

五

李章武于華州市北見一婦人甚美遂絀居于其家主人姓王美人則其子婦也乃悅而私焉無何章武繫事告歸殷勤叙別章武留交頸錦綺一端仍贈詩曰鴛鴦綺知結幾千絲別後難尋見翻傷未別時子婦答以白玉指環曰念指環相思重相憶願君永持翫循環無終極既別積八九年不相聞貞元十一年章武至華州將舍于王氏其門閭然見東隣之婦就而訪之則子婦歿已再周矣乃求鄰婦爲開門命從者治食物忽有一婦人持簾出房云王家亡婦感郎恩情將見會章武許諾執簾人卽不見至二更聞西

北角悉率有聲如有人形冉冉而至五六步卽辨其  
容色衣服乃主人子婦也章武下牀迎擁攜手欵若  
平生之歡自云在冥錄中都忘親戚但思君子之心  
如平昔耳章武倍與狎暱至五更子婦泣下床與章  
武別自于裙帶上解錦囊囊中取一物似彈丸其色  
紺碧質又堅密似玉而冷狀如小葉章武不之識子  
婦曰此所謂鞞鞞寶也妾近與西岳玉京夫人戲見  
此物在衆寶璫中愛而訪之夫人遂解以相授以郎  
奉道精誠故以投贈章武取白玉寶簪一以酌之叙  
別訖遂却赴西北隅不復見

才鬼錄

奩史卷八

六

后始加大號媿好上二十六物使侍兒郭語瓊拜上

內有獨搖寶蓮一鋪

飛燕外傳

紫竹有南番桃花片重數錢色如桃花而明瑩如榴

內異寶也

柳景記

水仙子爲南漢夫人侍者手恒弄一圓石如烏卵色

類玉一日忽大風雨其石裂破有一蟲走出乘風飛

去蓋龍也石隨合畧無縫痕

修真錄

張牧過點蒼山拾一圓石經寸明于水晶映月視之  
則有綠樹陰陰下有一女子坐繩床觀白兔搗藥兔  
不停樹葉若風動女子亦時時以手拂鬢髻或微笑

意其爲嫦娥也一夕名客看月出以視之忽墮入空

中明于月不知所之 採蘭雜志

姚月華時以石華遺達云出丹洞玉池異于他處色

如南水晶清明而瑩久服延年 瑯嬛記

同昌公主帶蠲忿犀圓如彈丸帶之蠲忿 杜陽雜編

太初中女蠻貢雙龍犀 杜陽雜編

忠懿王繼妃俞氏宋太祖時進犀二十株通犀犛犀

玉帶三十二條 吳越備史

安南國進皇后方物狀有犀角二十株大烏犀角五

株花犀三株象牙三十扎 天南行記

奩史卷八

七

本朝年三林卷三十一

天南行記

吳越備史

杜陽雜編

瑯嬛記

杜陽雜編

天南行記

吳越備史

奩史卷八十八



